

四庫全書

子部

欽定四庫全書

子部

普濟方卷三百三十六

七

詳校官八齋院醫官臣姜晟

編修臣倉聖脈覆勘

總校官進士臣楊懋珩

校對官中書臣吳甸華

謄錄監生臣張曾秀

欽定四庫全書

普濟方卷三百三十六

明

周王朱橚撰

妊娠諸疾門

胎嗣 附論

夫有夫婦則有父子婚姻之後必求嗣續故聖人謂不孝有三無後為大者言嗣續之至重也凡欲求子當先察夫婦有無勞傷故害之屬依方調治便内外和平則夫婦人樂有子矣素問云天地者萬物之父母也陰

陽者血氣之男女也有夫婦則有父母婚姻之後則有
生育生育者人倫之本也且男女之合二情交暢陰血
先至陽精後衝血開聚精陰外陽內陽精先至陰血後
生精開聚血陽外陰內陰含陽胎而女形成矣陽含陰
胎而男形成矣若夫受形之異者男女必當其年男子
二八精氣溢瀉必三十而娶女子二七天癸至必二十
而嫁欲其二氣充實然後交合交而孕孕而育育而壽
儻若婚嫁不時真氣早泄未完而傷是以交而不孕孕

而不育育而不壽者多矣以此觀之男女婚嫁貴乎及時夫婦貴乎益壯則易於受形也且父少母老生女必羸母壯父衰生男必弱誠有斯理或男子真精氣不濃婦人血衰而氣旺是謂夫病婦疹皆使人無子治療之法女子當養血抑氣以減喜怒男子益腎生精以節嗜欲依方調治陰陽平和則婦人易有子矣又曰無子者蓋有三焉一者墳墓不嗣二者夫婦年命相尅三者夫病婦疹皆令無子若是墳墓不嗣年命相尅此二者非藥能

益若夫病婦疹須用藥餌乃能有効也然婦挾疾無子
皆由勞傷血氣生病或月經閉澁或崩泄帶下致陰陽
之氣不和經血不行乖候故無子也診其右手關後尺
脉浮浮則為陽陽脉絕無子也尺脉為濇中年得此為
絕產也少陰脉如浮緊則絕產後惡寒尺寸俱微弱者
則絕產也又有因將攝失宜飲食不節乘風取冷或傷
過度致冷風之氣乘其經血結於子臟結冷故令無子
也凡婦人二三十而無子經血如常或有時經血不

調者乃陰不升而陽不降此上下不得交通有所滯礙不能為用故也可用獨聖散瀉訖寒痰三二升後用導水丸禹攻散泄三五行或十餘行車用無憂散泄十行處寒熱虛實用之次服葱白粥三五日胃氣宜通腸中得實可服玉燭散更服白朮散茯苓之類降火益水既濟之道當不數月而有孕成胎內經曰婦人有癰痔遺溺噤乾諸證須服妙藥針灸亦終不能孕蓋衝脉腎脉任脉有此病故不孕也 婦人所以無子者衝任不足腎

氣虛寒也內經云女子二七天癸至任脉通太衝脉盛陰陽和故能有子若衝任不足腎氣虛寒不能繫胞故令無子亦有本於夫病婦疹者當原其所因而調治之要之男服七子散女服紫石門冬丸及坐導藥盪胞湯無不有子也

方

秦椒丸

出聖惠方

治婦人斷緒生來未產盪滌腑臟使玉

門受紫精子臟風虛冷氣致陰陽二氣不能和合故

令久無子

秦椒

白朮

各三銖

沙參

露蜂房

鼠婦

桃仁

卷栢

細辛

白殭蠶

牡蒙

石斛

甘草

蕪荑

各一兩

牛膝

人參

芍藥

牡丹皮

大黃

桔梗

栢子仁

桂心

玄參

白薇

茯苓

天雄

各十銖

黃芪

五味子

當歸

白芷

蟻蛸

白欬

乾薑

各一兩半

澤蘭

乾地黄

芎藭

各一兩十八銖

乾漆

白石英

附子

各二兩

鍾乳

二兩半

水蛭

七枚

紫石英

蘇布叩復頭

七尺燒

蝨蟲

一百枚

右為細末蜜為丸如梧桐子大酒服日再稍加至二十丸若有所去如豆汁鼻涕此是病出覺有異日即停一方無鼠婦

栢子仁丸

出聖惠方

治婦人子臟虛冷產後續斷無子多

時

栢子仁

澤蘭

防風

去蘆頭

當歸

剉碎微炒

白石英

細研

水飛過

厚朴

去麁皮塗生薑汁炙香熟

熟乾地黄

牛膝

去苗各一兩

杜仲

去麋皮炙
微黃剉

乾薑

炮製剉

紫石英

細研水
飛過

川椒

目

及開口者微
炒出汁三分

甘草

炙微赤
剉三分

細辛

白朮

蕪荑

桂心

赤石脂

細研
人參

去蘆
頭

石斛

去根
剉

桔梗

去蘆
頭

肉蓯蓉

白芷

龍骨

五味子

白芍藥

藁

本

防葵

白茯苓

鍾乳粉

二獨活

秦朮

黃芪

各一
兩

右為末入研藥料多研令勻煉蜜和丸梧桐子大每

服三十丸空心晚溫酒下

白薇丸

出聖惠方

治婦人子風臟虛積冷經絡不調面無

血色肌肉消瘦不能飲食及帶下久無子

白薇 細辛 防風 人參 秦朮 秦椒 白

欒

一云白芷

桂心

牛膝

蕪荑

沙參

芍藥

五

味子

白殭蠶

牡丹

蟻螬

各一兩

乾漆

栢子

仁

乾薑

卷栢

附子

芎藭

各十銖

桃仁

紫

石英

各一兩半

鍾乳

乾地黄

白石英

各三兩

鼠婦

半兩

水蛭

蝱蟲

各十枚

吳茱萸

十八銖

蘇布叩復頭

一尺燒

右為末蜜為丸如梧桐子大酒服十五丸日再稍加至三十九當有所去小覺有異即停服

又方

出千金方一名白薇丸

治久無子或斷緒上熱下冷百病

皆治之

白薇 乾地黄 乾薑 車前子 蜀椒 紫石

英 藁本 石膏 菴蘭子 卷栢

各三銖澤蘭

赤石脂 白龍骨 遠志 麥門冬 茯苓 太

乙餘糧

各三兩

當歸

芎藭

蛇床子

白芷

覆

盆子

桃仁

人參

各一兩半

桂心

蒲黃

各二兩半

細辛

三兩橘皮

兩

右為末蜜和為丸如梧桐子大酒服十五丸日再漸增以知為度亦可至五十九慎猪鷄生冷酢滑魚蒜驢馬牛肉等覺有娠即停三月正擇食時可食牛肝及心至四月五月不用

廣膚丹

出御藥院方

治久無子息

黃芪

剉細一兩半

人參

上黨者去苗

川續斷

剉

澤蘭葉

去枝熟

地黃

焙

牡丹皮

淨

延胡索

白芍藥

川芎

白

薇

嫩鹿茸

燎去毛酥酒炙乾另研稱

白茯苓

去皮當歸去苗洗淨切炒

乾

肉蓯蓉

酒浸軟皺切焙乾

防風

去苗尾葉本

葉

丹皮

華細辛

去苗葉土細搗羅過

蓬莪茂

京三稜

二味和白麵漿浸火煨熱

麵就熱杵碎稱以上各一兩

乾薑

炮製一兩半

木香

山茱萸

肉

桂

去麋皮各半兩

黑附子

炮製去皮臍二錢

甘草

剉

覆盆子

去萼枝各

二兩

右為細末煉蜜和丸如彈子大每服一粒空心食前

細嚼溫酒下日進三服有孕住服昔有人常服此藥而生七男以此常合與人服而皆應也

白薇丸 療百病斷絕緒產

白薇

細辛

厚朴

椒

炒出汗

桔梗

鱉甲

炙各五分

防風

大黃

附子

炮

石硫黃

研各六分

人參

桑上

寄生

各四分

半夏

牡蒙

白殭蠶

續斷

秦朮

紫苑

杜蘅

牛膝

蟲蟲

去翅足熬

水蛭

紫石英

研朴硝

桂心

鍾乳

當歸

各八分

右擣篩蜜丸空心服溫酒下如梧桐子大十五九日
二漸加至三十九不吐不利忌生冷油膩飭生血物
大菟生葱生菜猪肉冷水粘食陳臭

紫石門冬丸

出聖惠方

治婦人久無子及數經墮胎皆因

衝任之脉虛損胞內宿寒疾病經水不時暴下不止
月內再行或月後子宮臟積冷虛羸百病崩漏帶下
三十六疾積聚癥瘕臍下冷痛小腹急重小便白濁
以上疾症皆令孕育不成以至絕嗣不孕此藥並能

主療常服除瘀血溫子臟令有孕臨產易生子及生子充實無病

紫石英

天門冬

各三兩

當歸

芎藭

紫苑

卷

栢桂心

烏頭

乾地黄

牡蒙

一作牡荊子

禹餘糧

糧

石斛

辛夷

各二兩

人參

桑寄生

續斷

細辛

厚朴

乾薑

食茱萸

牡丹

牛膝

各三兩

銖栢仁

一兩

薯蕷

烏賊骨

甘草

各一兩半

右為末蜜和丸如梧桐子大酒服十五丸漸增至三

十九以腹中熱為度不禁房室丈夫出外不可服藥
或溫米飲下空心食前日二服

七子散

出大全良方

治丈夫風虛目暗精氣衰少無子補

不足兼治婦人無子皆因五癆七傷虛羸百病所致

五味子 鍾乳粉 牡荊子 兔絲子 車前子

菰蔞子 石斛 乾地黄 薯蕷 杜仲 鹿茸

遠志 各八銖 附子 蛇床子 芎藭 各六銖 山茱萸

天雄 人參 茯苓 黃芪 牛膝 各五銖 桂心 十銖

肉蓯蓉

銖十一

巴戟天

銖十二

右為末酒服方寸匕日二不瘥增二匕以知為度禁示如藥法不能酒者蜜和丸服亦得一方加覆盆子八銖

女服紫石英丸

紫石英

掩砂鍋盛之以石掩口火煅紅

禹餘糧

熟地黄

湯洗淨酒蒸焙

辛夷仁

紫桂

去皮不見火

卷栢

醋炙

石斛

去皮剉酒炒

川續

斷栢子仁

川烏

炮去臍剉

川芎

海螵蛸

醋炒

牡丹

皮

川當歸

去蘆酒洗

粉草

炙各一兩

桑寄生

華陰細辛

山藥

吳茱萸

乾薑

炮各半兩

人參

七錢半

天門冬

去心

一兩

紫朴

去皮薑汁塗炙

右為細末醋糊為丸如桐子大每服七十九至百丸
空心米飲吞下以腹中熱為度不禁房事夫出不可
服盡劑當有妊

卷栢丸 治婦人子臟冷久無子由風寒邪氣客於經
絡

卷栢

牡蒙

藁本

當歸

剉碎微炒

熟地黃

栢子

仁

乾薑

炮製

禹餘糧

燒醋淬

白薇

以上各

芎藭

人參

去蘆

五味子

石斛

去根

桂心

附子

炮製

臍

防風

去蘆

吳茱萸

湯浸七遍

甘草

炙微

牛膝

去苗

桑寄生

川椒

去目及開口者微炒

右為末煉蜜和丸如梧桐子大每服空心及晚食前
以溫酒下三十丸

紫石英丸

治婦人久無子由于臟久積風冷陰陽不

能施化

紫石英

細研水飛過二兩

細辛

桔梗

去蘆頭

厚朴

去麁皮塗生薑

汁炙香剉

防風

去蘆頭

川大黃

剉碎微炒

川椒

去目及開口者微炒去汗

附

子

炮製去皮臍

硫黃

細研

白薇

當歸

剉碎微炒

桂心

各一兩

鱉

甲

二兩半生用

牡蒙

人參

去蘆頭

桑寄生

半夏

湯洗七遍

去滑用

白僵蠶

微炒

續斷

紫苑

洗去苗土

杜蘅

牛膝

去苗

各一兩半

右為末煉蜜和丸如梧桐子大每服三十九空心及晚食前溫酒下

養真丸 治婦人血虛氣憊陰不升降久不成妊娠

鹿茸 當歸 肉蓯蓉 禹餘糧 兔絲子 覆

盆子 熟地黄 紫石英 桑螵蛸

各二兩

五味子

真琥珀 白石藥 川芎 桑寄生 卷柏 艾

葉 川薑 堅茯苓 人參 牡蠣 酸棗仁

各一兩

兩鍾乳粉

四兩

右為末酒煮麵糊丸如梧桐子大食前溫酒吞下五
十九日三服喫後用粥飯壓之

白薇丸

治補調衝任服溫暖子宮治胞絡傷損宿受

風寒久無子或受胎不牢多致損墮久服去下藏風

冷令人有子

白薇

去苗

牡蒙

藁本

各五分

薑黃

當歸

去蘆剉

熟地

黃

各七分

川芎

栢子仁

微炒

石斛

去根

桂心

去麁皮

附子

炮去皮臍

五味子

去梗

防風

去苗

甘草

炙

川牛膝

去苗浸一宿

吳

茱萸

湯浸七次

桑寄生

各六分

秦椒

六分

禹餘糧

八分

右為末煉蜜丸如梧桐子大空心酒下三十九日二

服忌生菜葱熱麵蕎麥蒜猪肉炙燂葵菜蕪荑松菜
海藻粘食臭物一方有紫參無牡蒙米飲亦得纔覺
妊娠即住服已懷孕者尤不宜服之

白薇丸 治婦人無子斷緒上熱下冷飲食減退肢體
黃瘁凡有一切疾病皆主之

白薇 熟地黃

川椒

去目及閉口者微炒去汗

白龍骨

各一兩

車前子

當歸

剉微炒

芎藭

蛇床子

細辛

乾

薑

炮梨剉各半兩

桂心

卷栢

白芷

覆盆子

菖蒲

人參

去蘆頭

桃仁

湯浸去皮尖雙仁炒微黃色

白茯苓

遠志

去心各三分

麥門冬

去心焙一兩半

右為細末煉蜜和丸如梧桐子大每服三十九空心及晚食前溫服

續嗣降生丹

治婦人稟受氣弱胎臟虛損子宮冷憊

血寒痼冷難成子息功效如神

當歸

桂心

龍齒

烏藥

真天台者佳

益智

杜仲

石菖蒲

吳茱萸

各一兩半

茯神

川牛膝

秦艽

細辛 苦桔梗 半夏 防風 白芍藥 各三分 乾

薑

一兩半生半炒

川椒

三兩湯泡半日焙

附子

一隻重八錢者臍心作一竅如皂子

大入硃砂一錢 牡蠣一大斤要取漳州土產者即重洗麵裹煨 用童子小便浸四十九日五

日一換取出用硫黃末一兩半醋塗遍却用皮紙裹又用米醋浸令紙濕鹽泥厚固濟乾用炭五觔

每遇合藥入二兩餘者留後次合藥用

右為細末取附子入內硃砂別研為細末糯米糊為丸如梧桐子大每服三十九至百丸空心吞淡醋溫酒鹽湯俱可送下一日二服 此藥兼療男子精氣

不固陽事衰弱白濁夢泄及治婦人血虛帶下肌瘦
寒熱但是男女諸虛百損客熱盜汗氣短乏力面無
顏色飲食少味並皆治之更有奇效難以具述君子
宜預行善事調服此藥無不感應

秦桂丸

出仁
存方

治婦人無子

秦朮

桂心

杜仲

炒

防風

牡丹皮

厚朴

薑汁

炒各
三分

附子

陽起石

煨

白茯苓

各一
兩半

白薇

人參

卷柏

鹿茸

各一
兩

細辛

二兩
一分

右各為末以蜜和丸如梧桐子大每服三四十九溫

酒下食前服

朴硝盪胞湯

出聖惠方

治婦人破身以來全不產及斷緒

久不產三十年者

朴硝 牡丹皮 當歸 大黃 桃仁

生用全各三銖

辛 厚朴 桔梗 人參 赤芍藥 茯苓 桂

心 甘草 牛膝 橘皮 附子 蟲蟲

各二銖六銖去翅足微

熬水蛭

各十枚炙

右咬咀以清酒五升水五升合煮取三升分四服日
三夜一每服相去三時更服如常覆被取少汗不出
冬日著火籠之必下積血及冷赤膿如赤小豆汁蓋
為婦人子宮內有此惡物使然或天陰臍下痛或月
水不調為有冷血不受胎若斟酌不盡氣力弱大困
不堪更服亦可二三服即止如大悶不堪可食酢飯
冷漿一口即止然恐去惡物不盡不大得藥力若能
忍服盡大好一日後仍著坐導藥一方不用桔梗甘

草一方無水蛭

白薇九

出千金方

治月水不利閉塞絕產十八年服此藥

二十八日有子金城太守方

白薇

細辛

各三十銖

人參

杜蘅

牡蒙

厚朴

半夏

白殭蠶

當歸

紫苑

各八十銖

牛膝 沙參

乾薑

秦朮

各半兩

蜀椒

附子

防風

各一兩

右為末蜜和為丸如梧桐子大先食服三丸不知稍增至四五丸此藥不可常服覺有娠即止用之大驗

一方有桔梗丹參十八銖

助陽丹 治婦人無子月經不調蓋因腹脇疼痛血塊
血癖所以不能成胎先服當歸六合散空心煎十餘
服先去敗露腹肚不疼可服助陽丹十五服必然成
胎有一婦人三十七歲無子服此藥半月有子

細辛 防風 茱萸 川椒 白芷 白欬 乾

薑 茯苓 各一兩半 牛膝 秦艽 附子 陳皮 石

菖蒲 厚朴 沙參 人參 桂心 各七錢五分

右為細末煉蜜和丸如紅豆大每服十九丸溫酒下日
進三服尅日見效男子服能補益婦人服之有子覺
有孕不可服婦人無夫者不可服用壬子日修合忌
雞犬孝服每月經後三五日淨一舉便成亦可延年
益壽

凡人家園圃內有凌霄花婦人聞其氣不孕宜服七子
丸出便產須知

五味子

一兩淨

兔絲子

一兩

先去灰却用酒浸
二日蒸搗細焙乾研用

韭子

炒一兩覆盆子一兩去蒂酒洗蛇床子半兩黑附子一兩炮去皮臍白

茯苓

半兩去皮

原蠶蛾

一兩酒煮

肉蓯蓉

一兩泡焙乾酒洗

鹿茸

一兩

酒炙去皮毛

益志子

一兩去皮

黃芪

半兩蜜炙

遠志

半兩湯洗去皮

陽起

石

一兩酒煨研如粉

熟地黃

一兩湯洗酒拌熟蒸

右為細末酒煮糯米糊為丸如梧桐子大每服七十

丸空心鹽酒或鹽湯下弱甚者加天雄半兩泡去皮

脚腰痠痛者加杜仲一兩去皮薑汁炒去絲石斛一

兩去根

治婦人久無子息大有神效

茯苓 桂心 川芎 人參 當歸 各二兩 細辛 二兩

半沉香 五味子 各一兩 川牛膝 沙參 白薇

琥珀 各半兩 川烏 一個 川椒 半兩 蜜 一兩

右為細末煉蜜和丸如梧桐子大每服五十九丸溫酒下醋湯亦得日進二服

杜蘅丸 治婦人腹臍久積風冷血氣凝澀不能宣通故令無子

杜蘅

附子

泡裂去皮臍

細辛

各一兩

防風

去蘆

白茯苓

各一

兩白薇

牛膝

去苗

半夏

湯洗七遍去滑微炒

沙參

去蘆頭

秦朮

去苗桂心

川椒

去目及閉口者微炒去汗

菖蒲

藁本

蛇床

子

各半兩

右為細末煉蜜和丸如梧桐子大每服三十九空心及晚食前溫酒下有子即住服

杜蘅丸

治婦人無子斷緒

杜蘅

三月三日麥洗曝乾剉

半夏

湯洗二十遍碎用薑汁炒

白薇

桔梗

剉附子泡裂去皮臍牛膝切酒浸經宿各一兩細辛去苗葉蜀椒去合

口并目厚朴去麁皮薑汁炙沙參去蘆頭防風去叉乾薑炮剉桂

去麁皮各半兩

右為末煉蜜和丸如梧桐子大每服溫酒下三十丸漸加五十丸早晨日午各一服

吉祥丸出千金方治婦人積年不孕

天麻 柳絮 丹皮 茯苓 乾地黄 桂心各一

兩五味子 桃花 白朮 芎藭各二兩覆盆子一斗

桃仁

一百枚

兔絲子

楮實子

各一升

右為末煉蜜和丸如菰豆大每服空心以苦酒下五

九日中一服晚一服

秦桂丸

一名姦斯丸
出大金良方

治婦人無子服有效危氏方

秦艽

去蘆桂心
不見火

杜仲

去皮薑
槩斷然

防風

厚朴

各三分

製

附子

生去皮臍

白茯苓

各一兩半

白薇

乾薑炮

沙參

牛膝

酒浸

半夏

各半兩

人參

一兩

細辛

二兩一分

右為末煉蜜為丸如赤豆大每服三十丸空心食前

醋湯米飲任下未效加九穀已覺有孕便不可服用
溫酒下亦得昔金城太守范羅進此方云甚驗若服
藥四十日無子請戮臣一家以爲天下醫人戒其方
因張伯高學士傳云此藥諸士夫服後俱有應驗就
藥緘上書刊二句云修合者用意以誠服餌者存心
以仁不患無子也 服此如覺無益稍加九穀爲度
如服七日後陰陽覺有娠此藥與前太子中舍宇文
妻李氏年四十歲無子服此藥十三日有娠此藥益

斯丸屢用屢驗此方不可不廣傳與人夫不在不可服

扶血丸 治婦人無子

紫石英

桑螵蛸

半兩

熟艾

醋炙一兩

卷柏

一兩

覆盆子

四兩

阿膠

炒包金土

各一兩

栢子仁

二兩二錢

陽起石

半兩

熟地

黃

一兩五錢

牡蠣

二兩

磁石

二兩

右為末以糯米粥丸如梧桐子大每服三四十九酒

吞下

禹餘糧湯 治婦人胞胎寒冷絕產無子

禹餘糧

煨滓七遍

白殭蠶

去黑微煨

烏賊骨

去甲皮各一兩

龍骨

研碎

桂

去皮

竈下黃土

無灰者

石韋

去毛炒

乾薑

炮

滑石

研

赤芍藥

半夏

藥水浸一宿生絹袋子盛洗去滑切開生薑汁炒黃

代赭

釘頭

者研各半兩

右搗篩每服三錢匕水一盞生薑三片煎至六分去

滓食前溫酒服

陽起石丸

出危氏方

治丈夫真精氣不濃不能施化是以

無子

陽起石

火煨紅
研細

鹿茸

燎去毛
酒蒸焙

兔絲子

水淘淨酒浸
蒸焙別研

天雄

炮去
皮

韭子

炒

肉蓯蓉

酒浸各
一兩

覆盆子

酒浸
石斛

去桑寄生

沉香

別研
原蠶蛾

五味子

各半
兩

右為細末酒煮糯米糊為丸如梧桐子大每服七十
丸空心鹽湯或溫酒下

紫石英丸

出大全
良方

紫石英

阿膠

當歸

川芎

赤芍藥

川續

斷各一兩 鹿茸 白朮 桂心各半兩 栢子仁二兩 熟地

黃三兩

右為末煉蜜為丸如梧桐子大空心溫酒下二十九
兼治虛中有熱頭旋暈足如履空嘔吐不食月水不
調或多或少皆虛症也久服能生髮令有子更治虛
悸常若憂思皆心血不足空虛所致也

調經散出使產須知

療月候不調或在月前或在月後或

多或少或逾月不至或一月兩來以此不孕

吳茱萸

一兩去閉目者
沸湯洗過三次

半夏

一兩湯
泡七次

當歸

一兩酒
洗去蘆

人參

麥門冬

一兩
半

白芍藥

南京
者

川芎

色如
臘者

丹皮

去
骨厚朴

去皮不
見火

阿膠

蚌粉炒
如珠子

甘草

炙一
兩

右咬咀每服三錢水一盞半生薑五片煎至八分去

滓食前稍熱服月候調月月如期而來按時而止則

當有孕

欲娠月候調均顏色肌膚如常但若沉重

煩悶不欲飲食又知患之所在脉又平和是欲妊也

如此兩月後經或不通則結子矣

既妊之後多病

惡阻婦人怯弱有風氣痰飲則病其狀沉重昏眩惡聞食氣喜啖酸酸甚則寒熱心煩嘔痰恍惚不能支持輕者不服藥亦不妨重者須服藥

洗洗丸 治婦人衝任虛寒胎孕不成或多損墮

澤蘭葉

白朮

各一兩半

肉桂

去麁皮

乾薑

炮各半兩

熟地黄

洗焙各二兩 當歸

洗焙各二兩

石斛

酒浸剉炒

川芎

白芍藥

牡丹

皮

去心

延胡索

各一兩

右為細末醋麵糊為丸如梧桐子大每服五十九溫

酒空心下一方無乾薑肉桂白朮有白薇人參

坐導藥方 夫求子服藥者須有次第不得不知其次
第謂男服七子散女服盪胞湯及坐導再服紫石門
冬丸則無不效矣

皂莢一兩炙去皮子 大黃 戎鹽 礬石燒 當歸各二兩 五

味子 乾薑各三兩 細辛三兩 蜀椒炒出汗 葶藶子

苦瓠各三分一方作山茱萸

右為末搗篩內輕絹袋子如中指大長三寸盛之令

滿內子門中坐任意勿行走欲小便時即出之便後
仍納一日當有青黃冷汁汁盡即止可交合自有子
若未見病出亦可至十日安其本為子宮有冷惡物
故令無子值天陰冷即發疼痛須候病出盡方已不
可中輟每日早晚用苦菜菜煎湯薰洗一方無葶歷
一方有砒霜三分著藥後一日乃服紫石門冬丸
鍾乳丸 治婦人斷緒無子

鍾乳

研

白礬

燒令汁盡
各一兩

阿膠

炙令
燥

紫石英

研

蜀椒

去目及開口者炒去汗

生地黄

焙

五味子

炒

蛇床子

炒

原蠶

蛾

炒

石亭脂

研極細各半兩

右除石藥別研外餘藥為末和勻煉蜜和搗丸如梧

桐子大每服空心煖酒下二十九漸加至三十九

慶雲散

治丈夫陽氣不足不能施化

覆盆子

五味子

各一升

兔絲子

二升

天雄

一兩

石斛

白朮

各三兩

桑寄生

四兩

天門冬

九兩

紫石英

二兩

右為末篩酒服方寸匕先食服日三素不耐冷者去

寄生加細辛四兩陽氣不足而無子者去石斛加楨
榔十五枚

治婦人久無子息

吳茱萸

湯浸二
次焙乾

白芷

去毛

白欬

去皮

白茯苓

各三錢

細辛

去葉
梗

牛膝

去蘆

附子

炮去皮
各二錢

人參

一錢

桂心

一錢

右為末煉蜜為丸如梧桐子大每服十九丸用溫酒送
下食前服

治婦人子臟風冷致令無子

皂莢

去黑皮塗酥炙焦黃去子

川大黃

剉碎微炒

戎礬

白礬

炮灰當

歸

剉碎微炒各一兩

五味子

川椒

去目及閉口者微炒去汗

乾薑

炮裂

剉

細辛

各三分

右為末用綿裹藥末如棗大內產門中有惡物下即止未效再用

熟乾地黃散

療久無子斷緒小腹疼痛冷氣不調

熟乾地黃

川牛膝

當歸

各八分

卷柏

川芎

防風

各六分

牽牛子

末

桂心

各三分

右咬咀以水六升煮取三升三合去滓分三服服別
和一分牽牛子末如人行四五里更進一服以快利
止忌生菜葱熱麵蕎麥蒜醋猪肉炙燂葵菜蕪荑松
菜海藻粘食臭物等

八真丹 治婦人無子

川當歸 芍藥 地黃 川芎 皂莢 鹿茸

阿膠

炒作珠用
乾草火燒

艾葉

續斷

右八味等分細末醋打麵糊為丸如梧桐子大每服

二十九空心好酒送下

白芷煖宮丸

出永類
鈴方

治煖血海實衝任治子宮虛弱

風寒客滯因而斷續不成孕育及數常墮胎或帶下
赤白濁下五色頭目虛暈吸吸成氣腹若滿心下煩
悸臍腹刺痛連引腰背下血過多兩脇牽急嘔吐不
食面色青黃肌膚瘁瘦寢常自汗

禹餘糧

製一兩

白薑炮

芍藥

白芷

製

阿膠

粉

艾葉

製

川芎

各三分

右為末煉蜜丸如梧桐子大每服四十九米飲下或
溫酒醋湯亦得常服溫補胞室和養血氣澤顏色消
散風冷退除百病自成孕性平不熱

大黃丸

出千金方

治帶下百病無子服藥十天下血二十

日下長蟲及青汗三十日病除五十日肥

大黃

破如米豆熬令黑

柴胡

朴硝

乾薑

各一升

芎藭

五兩

蜀椒

一兩 茯苓

如雜子大一枚

右為末蜜和丸如梧桐子先食服七丸米飲下加至

十九以知為度五日微下

治婦人無病觸禁久不生子

出肘後方

右常為月候月水絕後一日交接為男二日交接為女三日為男四日為女五日為男六日為女過此不成成勿復交接更待後月徒然無益浪辛苦也宜用後方

栢子仁丸

出肘後方

大黃

七分紫參

五分

皂莢

杏仁

吳茱萸

各三分

半夏

前胡

各二分

右搗篩煉蜜和丸如梧桐子大每服二十九不過半
年有如前法即定男女也

治婦人不生育者

胡椒

二兩

艾一兩各

熟鹽

半兩

花椒

半兩

砂仁

官桂

茴香

各半兩

右為末裝入猪肚內縫合煮熟每日清晨割二兩好
酒三五盞服之肚腹熱便能有孕

承澤丸

出千金方

治婦人下焦三十疾不孕絕產

梅核仁

辛荑

各一升

葛上亭長

七枚

細辛

三兩

藁本

一兩

澤蘭子

五升

右為末蜜和丸如豆大先食服二九日三不知稍增

若腹中無癥瘕稍聚者去亭長加通草一兩惡甘者

和藥先以苦酒搜散乃內少蜜和為丸溫酒下亦可

陽起石丸

出和制方

治婦人子臟虛冷勞傷過度風寒結

搏不受胎遂致絕孕不產此藥服之益子宮消積冷

陽起石

酒浸半日細研二兩

吳茱萸

炮七次焙微炒

熟地黄

各一兩

牛

卷三百三十六
膝

去苗酒
浸焙

乾薑

炮白朮

各三分

右為細末煉蜜和搗三百杵丸如梧桐子大每服二
十九至三十九溫酒或溫米飲下空心食前日二服
若覺妊即止

抑氣散

出危
氏方

治婦人氣盛於血所以無子尋常頭暈

膈滿臛痛怔忡皆可服之香附子乃婦人之仙藥也
不謂其耗氣而勿服

香附子

炒杵淨
四兩

茯苓

一兩

橘紅

二兩

甘草

炙一兩

右為細末每服二錢入鹽少許食前沸湯調服仍兼
進紫石英丸後可服螽斯丸及萬靈丸勝金丹等諸
藥大妙

專治婦人下元虛冷令有子嗣

血竭

錢一

大黃

錢五

桃仁

湯浸去皮尖及

雙仁四十九枚

螽蟲

去翅足

微炒三

十水蛭

糯米炒

候米黃

即去米三十枚

右剉如麻豆每服一錢酒一盞煎至七分去滓空心
溫服如無結實不可服一方無水蛭

治婦人無子

以二三月選丁亥日採取桃花陰乾為末入麝香硃砂人參用井花水取戊子夜同為末當信行用溫酒下二服

大黃湯

出肘後方

治婦人月水不利結積無子

大黃

剉炒一兩

桃仁

四十枚

蠱蟲

去翅三十枚炒

右為細末一處同煎熬成膏子如小豆大每服一九服至七日再加一九又七日服三九一月見效

療婦人無子臟冷宮內灸丸

出聖惠方

麝香

二分研

皂莢

十分塗酥灸

蜀椒

六分炒出汗

右搗篩蜜九酸棗仁大以綿裹內產宮中留少綿線出覺增寒不淨下多即抽綿線出却九藥一日一度換之無晝夜皆內無所忌也

又方

出聖惠方

蛇床子

石鹽

細辛

乾薑

土瓜根

各四兩

右搗篩取如棗枚大以裹內子宮中以指進之依準

前法用

療婦人臍冷偏僻冷結無子坐藥方

出聖惠方

間病未可

必不得近丈夫餘無所忌並效

蛇床子

三兩 芫花

三兩

右搗篩取棗大紗袋盛之內產門令沒指袋少長作
須去任意卧著慎風冷

茱萸丸

出聖惠方

治婦人陰寒十年無子

吳茱萸

一升

蜀椒

一升去目炒出汗

右蜜丸如彈子綿裹導子腸中日再易無所下但問子臟令陰濕即有子也

驗胎法

一名探胞湯出危氏方

婦人經脉不行已經三月者欲

驗有胎用川芎生不見火為細末空心濃煎艾湯調下方寸匕覺腹內微動則有胎也如胎不轉動腰重如石可用酒調下

治婦人無子及冷帶

雞子殼

五兩燒灰細研如粉

綿子

二兩瓦器內煨令烟為末五月綿子最妙

右酒糊每服二十九空心酒下此藥盡見效

煖宮丸

治衝任虛損下焦久冷臍腹疼痛月事不調

或來過多或後期不至崩中漏血赤白帶下或月再行淋漓不止帶下五色經脉將至腰腿沉重痛連臍腹小便白濁面色萎黃肢體倦怠飲食不進漸至羸瘦及治子宮久寒不成胎孕

附子

炮製去皮臍一枚

杜仲

炒斷

地榆

桔梗

沙參

厚朴

去麁皮薑汁炒各四錢

黃芪

白薇

去土川牛膝

去苗川白

芷 北細辛

去葉

乾薑

蜀椒

各二錢五分

右為末煉蜜丸如梧桐子大每服二十九鹽酒服之

一月自然有孕多服四物湯羊肉丸亦效或棗湯下

辛葶丸

出孟氏說說方

治婦人子宮宿冷致多胎氣不固常

有損墮宜去子宮風當服之

嫩鹿茸

炮去毛酥塗炙一兩五錢

北細辛

黃芪

蜜炙

當歸

各三兩

藁本頭

赤芍藥

川白芷

牡丹皮

川芎

乾薑

炮

肉桂

去皮

小黑豆

沒藥

別研

防風

川椒

鹽炒

出汗去鹽

各一兩

右為末煉蜜為丸如梧桐子大每服四五十丸用溫酒或淡醋湯送下空心食前

八珍散

出孟氏說方

治婦人處深閨內閣常以無子為憂

思慮過傷損脾胃脾虛則不能制水漏五色之症或只常下黃白水宜服此藥

玄參

人參

白朮

粟米

微炒

白芷

厚朴

薑製各一

兩益智

一兩

黃芪

二兩

甘草

五錢

右為散每服三錢薑三片棗四個同煎至八分空心服

千金保生丸

出孟氏說詵方

若服調氣血藥覺氣調血順但

未受娠則屏去他藥再服此藥以實子宮須經候過三日乃交媾自然成胎無疾而不娠者尤宜多服此藥自然成矣

防風

石膏

煨

糯米

川椒

去目炒出汗

北黃芩

秦

芎

去土

厚朴

去皮

貝母

北細辛

石斛

酒浸蒸三次

大豆

黃卷

淨如無以小黑豆代以上各二兩

白薑

炮一兩

大麻子

炒去殼稱一兩

甘草

炙一兩

熟地黃

酒洗蒸三次焙

當歸

各二兩

沒藥

真者一兩五錢

右為末煉蜜和丸如彈子大每服空心用北棗四枚

煎湯嚙下一日二服不可用酒下或發洩了真氣不

能護血

參香勝金散

出孟氏說方

治婦人血不和須先調其榮衛

使之順度則服千金保生丸乃能有孕

當歸

二兩

白薇

一兩

沒藥

一分

玄胡索

去皮

梔子

綿黃

芪蜜炙各一兩 赤芍藥 甘草 肉桂 紫石英煨 白

朮 白石脂火煨醋碎 川芎 白茯苓 人參 川白

芷 白牡丹皮 沉香以上各五錢

右為末每服二錢溫酒調下空心服又水一大盞薑
二片北棗二枚同煎若虛煩作熱每服之時入生地
黃汁一合同煎一服

千金方 治產後勞損無子陰冷子宮閉積年不產身
體寒冷

防風

一兩五錢

桔梗

三十銖

人參

一兩

菖蒲

半夏

丹參

厚朴

乾薑

紫苑

杜仲

各十銖

秦艽

白欬

牛膝

沙參

各五錢

右十四味為末白蜜為丸如小豆大食後服十五丸

日三服不知增至二十九有娠止夫不在勿服之服

藥後七日陰陽相合

歸艾丸

出朱氏集驗方

治婦人平生無子服之屢驗

生地黃

一觔洗淨

生薑

一觔洗淨

各用砂盆研爛如膏

加散麵淹一宿銀器各炒乾入

後藥

白芍藥

白茯苓

延胡索

當歸

去蘆浸
各二兩

熟

艾

三兩醋調
麵成餅蒸

右除艾葉外各焙乾為末入地黄生薑作一處煉蜜

和丸如梧桐子大每服五十九空心酒下一日三服

麝香丸

出御藥
院方

治婦人陰中久冷或成白帶下淋瀝

不斷久無子

零陵香

藿香

各二錢

蛇床子

五錢

吳茱萸

桂

白

礬

木香

各三錢

麝香

二分五厘

丁香

韶腦

各一錢五分

不

灰木 白芷

各二錢五分

龍骨 五錢

右為細末煉蜜和丸每兩作四十九丸每用一九綿裹

內陰中

麋茸萬病丸

出十便良方

補養血氣久服令人有子

熟乾地黄

當歸

麋茸

勿使鹿茸

右件各等分煉蜜丸如梧桐子大空心食前米飲或

溫酒下五十丸

附子當歸丸

出十便良方

治血臟虛冷方

當歸

三兩

芍藥

二兩

附子

白朮

各一兩

右為細末醋煮麵糊和丸如桐子大米飲下三十九

未效加至五十九空心服

壯陽令人有子

出本草

以鹿項骨髓蜜煮服之

令人有子

出本草

以正月十五日燈盞夫婦於富家宴

會所盜之初勿令人知之安卧床下當月有娠

令人有子

出本草

以正月雨水夫妻各飲一盃還房當

即有子神效也

令婦人有子

出本草

以狗骨煎汁煮粥飲食之熱補

令生男兒

出本草

以虎鼻懸戶上

療婦人無子

二月丁亥日收桃花杏花陰乾為末戊

子日和井花水服方寸七日二三服

妊娠

附論

夫何以知婦人妊娠脉平而虛浮者胎脉也經云陽搏陰謂之有子此是血氣調和陽施陰化也診其手少陰脉動甚者妊子也少陰心脉也心主血脉又腎名胞門

子戶尺中之脉按之不絕乃妊娠也三部脉沉正等按之無絕者有娠也妊娠初時微動小呼吸五至三月而尺數也妊娠四月欲知男子女人者左疾為男右疾為女左右皆疾為產二子又法左手沉實為男右手浮大為女左右俱大猥生二男俱浮大猥生二女尺脉若左偏大或左右俱大產二子大者如實狀又法左手尺中浮大者男右手尺中沉細者女若微而斷絕者月水不利又法左右尺俱大浮為產二男不然女作男生俱細

為產二女不爾男作女生又法得太陰脉為男得太陽脉為女按太陰脉沉太陽脉浮又遣妊娠人面南行還復呼左迴首是男右迴首是女又看上圓時夫從後急呼之左迴首是男右迴首是女又婦人妊娠其夫左乳傍有核是男右乳傍有核是女妊娠欲知將產者懷妊離經其脉浮設腹痛引腰脊為將產也但離經者不病也又法欲產其脉離經夜半覺痛日中則生也 孕原立本章有泰初有泰始渾淪一判既見氣矣故經曰泰

初立形矣故曰泰始氣初形始天地相因生生化化品物彰矣故曰大哉乾元萬物資始至哉坤元萬物資生有生之初雖陽為之主育而充之必陰為之主因形移易日改月化無非坤道坤之代終也謂之姤陽既受始陰主之也謂之胞已為正陽陰胞陰包之也謂之胚未成為器猶之坯也謂之胎也既食於母為已成也若娠則以時動也若懷則以身依之得地之氣陰陽之至和相與流轉於一體也唯時能順時數謹人事勿動而傷

則生育之道得矣觀四時之運生長收藏代出萬物有儀則生咸備而天地之氣未始或虧者陰陽相養以相濟也昧者曾不知此乃欲拂自然之理謬為求息之術方且推生死於五行斲補養於藥石以為勝真以人助天縱或有子孕而不能育育而不壽者衆矣昔人論年老有子男不過盡八八女不過盡七七則知氣血在人固有量豈能逃陰陽之至數哉 大全方云肝為血兮肺為氣血為榮兮氣為衛陰陽配偶不參差兩臟通和

皆賴劑血氣旺定為孕無血旺氣衰應有體

肝臟血為榮屬陰肺

主氣為衛屬陽陰陽配偶者是夫婦匹配偶合精積乃有子也若血少氣盛則無娠孕若血盛氣少則有孕也

尺微關滑寸帶數流利往來并雀啄小兒之脉以見形

數月懷耽猶未覺

尺脉微關脉滑尺脉帶數及流利雀啄皆是經閉塞不行成胎以上之脉

皆是血多氣少之脉是懷小兒之脉已見行正也

左疾為男右為女流利相通

速來去兩手關脉大相應已形亦在前通語

左手脉疾為懷男右

手脉疾為懷女及其脉流行滑利相通疾速來去是或兩手尺脉倍洪大相應是其胎已有形狀也左手

帶縱兩箇兒

縱者夫行乘妻水行乘火金行乘木蓋即所勝脉也名曰橫見於右手則懷二箇男

也右手脉逆生三子

逆者子乘母也是水行乘金火行乘木即生巳之脉也名曰逆見於

左手則懷三箇男兒也

右手脉順還三女

順者母乘子也是金行乘水木行乘火即生巳

之脉也名曰順見於右手則懷三女兒也

寸關尺部皆相應一男一女分形

證

寸關尺部脉大小遲疾相應者是懷一男一女形證之脉也謂關前為陽關後為陰陰陽相應故懷一男

一女也

有時子死母身存或即母亡存子命

此二句之文乃辨子母存

亡之法

往來三部通流利滑數相生皆替替陽實陰虛

脉得明遍滿胸堂皆逆氣

若寸關尺三部通行流利皆替替有力而滑數皆陽實陰

虛之脉逆氣遍滿胸堂而不順也

左手太陽浮大男

左手寸口為太陽其脉浮大則是懷

男子脉也 右手太陰沉細女右手寸口為太陰其脉沉細是懷女脉也 諸陽為男

諸陰女指下分明長記取諸陽脉皆為男即浮大洪數滑實之類是也當懷男諸陰

脉細沉微弱之類 三脉沉止等無絕尺內不止真胎婦是也當懷女也

寸關尺三部脉沉浮正直齊按無絕斷 夫乘妻兮縱氣及尺內舉按不止住者真的懷胎婦也

霧經云縱者夫乘妻也水行乘火金行乘木即鬼賊脉也縱氣霧霧者露也又上下也謂夫之陽氣乘妻之

陰氣二氣上下相逐如妻乘夫兮橫氣助橫者妻乘夫霧如露潤澤結子也

兩傍橫氣 子乘母兮逆氣生逆者子乘母也謂之子氣相佐助也 乘母氣方乘母逆行之氣

相生 母乘子兮順氣護得母氣乘於子氣為順氣相護合也 凡縱橫逆順四氣以榮衛

養方也乃小兒日足胎成聚身熱脉亂無所苦汗出不食

吐逆時精神結備其中住

謂妊娠受五行精氣以成形秉三經以榮其母懷妊至五

月其胎雖成其氣未備故胎氣常上衝心胸則汗出不食吐逆名曰惡阻俗呼選飯唯思酸辛之味以謂胎氣

也

滑疾不散胎三月

妊娠三月名胎胚此是未有定儀心胞暗養之故脉見滑疾流利為

少氣多血不散為血氣盛則始成胎也

但疾不散五月母

其脉但疾數而不散者是五箇

月懷胎之母也

弦緊牢強滑者安沉細而微歸泉路

孕婦之脉宜弦緊牢

強滑利為安吉之脉若沉細而微謂脉與形不相應故云死也前文雖云太陰沉細又云諸陰為女其說似有

相反謂三部脉皆不同也

又云孕婦論經云少陰脉動甚

者有子厥指何哉曰手少陰之經屬心足少陰之經屬
腎心之所主者血腎之所主者精精血合氣而成之也
然而胞門子戶又所以為精血之會其於尺部二脉猶
有可驗者焉且婦人尺部之脉滑是為實必主月事不
行若其未斷絕或中絕而至者皆無孕惟滑而不絕畧
無間斷於其間此則真胞孕之脉也胎之脉婦人懷胎
臟氣常擁閉不可多睡不可憂懼勞後不可啖食粘滯
辛酸強硬之物又不可妄施針灸所貴行數步調陽自

適使氣得其平若酒麵炙煖熱毒熏蒸若感觸邪氣傳染熱氣若悞服藥餌破胎若七情內傷快意縱慾則易致漏若胎腹痛方來用力太早則驚動胎轉反未得下若抱持不正多奔突後趨兒已近產門多觸犯禁忌則易產易難既產之後或過用心力或素有疾阻或血虛氣熱或虛極乘寒則血暈眩悶之證生矣然而安胎之法有二因子病以致母病者宜安胎而母易產以膠艾湯芎歸湯各半縮砂佐之為良難產之劑前所謂四物

湯加吳茱萸入醋夾煎黑神散用乳香煎湯調下皆其
要藥產後血暈先以舊漆器燒烟微向其鼻次則五靈
脂末半生半炒入蘇合香丸百沸湯調與之或黑神散
入麝香少許調以紫蘇湯或花蓋石散用童子小便溫
酒調劑下也損胎驗法婦人面青手足冷指甲黑而且
遍體不仁腰腹痛割其或面青唇青以致舌間黯黑口
角沫出則不容以人力勝之大要將產腹痛萬勿驚動
且須凭物而行直至腰痛子逼腎門方可用力蓋腎繫

於腰而胎繫於腎故也俗於產後用理中湯然蜜甘而滯不若但用生化湯俗於小兒初誕多用黃連然連苦傷胃不若但用甘草炙煎綿蘸入口良更迭用惡物自出俗於胎孕已成多胎滑用枳殼散然枳殼微寒須以縮砂烏藥為佐產後飲食米飲勿用可先與百沸湯時常調血以四物湯逐瘀以黑神散人所共知也若夫順氣等劑胎前產後猶當兼施而並用之血暈昏迷切勿用降真香熏之以塞其氣

又方

白朮湯

出宣明論

治妊娠血液虛衰委弱難以運動氣

滯痺麻榮衛不能宣通常服養液潤燥開通結滯令
血昌盛

白朮

三兩

寒水石

當歸

黃芩

芍藥

人參

石膏

乾葛

防風

縮砂

藿香

各五錢

甘草

茯苓

各一兩

木香

一錢

右為細末每服三錢水一盞生薑三片同煎至六分

去滓溫服日三次宜去人參服之半夏加一錢爲妙

崔宣武方用白朮一兩

白朮散

出危氏方

治婦人氣不調和飲食易傷

白朮

炒

乾紫蘇

各一兩

人參

白芷

各三分炒

川芎

訶

子皮

各五錢

甘草

一分

右爲末每服二錢水一盞薑三片煎至七分溫服

經云飲食自倍腸胃乃傷又云陰之所生本在五味陰之五宮傷於五味若姪子飲食不節生冷毒物恣

性飲嗽以致傷人最難用唯此木香白朮散九二方服最為穩當

木香丸

出危氏方

治婦人有孕傷食

木香

三錢

三稜

炮

人參

白茯苓

各三錢

右為細末麵糊丸如棗豆大開水吞三四十丸

胎孕九箇月將息胎法

出大全良方

用猪肚一箇具依法用葱五味煮熟食如不盡更食以盡為度不得與別人食無效

犀角散

出衛生寶鑑

治妊娠婦人產前諸風熱困倦時發

昏眩

棟參 犀角 山梔子 黃連 青黛 川芎

川羌活 吳白芷 甘草 茯苓

去皮以上各五錢

右為末每服五錢水一盞半生薑三片竹葉五七葉同煎至一盞去滓溫服食前

治妊娠臟腑常多轉瀉身上肌肉常冷心中寒慄方

出楊

子建萬全護命方

白朮 續斷 吳茱萸 防風 當歸 人參

芍藥 五味子

各五錢

甘草

各一分

細辛

三銖

右為細末每服三錢水一盞二分生薑三片棗二枚
同煎取一盞空心啐

治妊娠渾身碎痛并腹內疼痛不可勝忍悶亂欲死方

出楊子建萬
全護命方

白朮

當歸

芍藥

芎藭

黃芩

各一兩

右杵羅為末每服三錢水二盞二分煎取一盞一分

空心去滓啐

法

使產須知

凡欲要男兒吉良者交會之日常避丙丁及弦望朔晦
大風大雨大霧大寒大暑雷電霹靂天地昏暝日月無
光虹蜺地動日月薄蝕此時受胎非止百倍損於父母
生子或瘡癰聾瞶頑愚癲狂躄跛盲眇多病短壽不孝
不仁又避日月火光星辰之下神廟佛寺之中并皂圓
廁之側冢墓屍柩之傍皆悉不可夫交會如法則有福

德大智善人降托胎中仍令父母性行調順所作和合
家道日隆祥福競集若不如法則有薄福遇癡惡人來
託胎中則逆父母性行凶險所作不成家道日否殃咎
屢至雖生成長家國滅亡夫禍福之驗有如影響此乃
必然之理何不再思之

男女受胎時日法

出便產
須知

凡男女受胎皆以婦人經絕一日三日五日為男仍
遇月宿在宿貴日又以夜半生氣時瀉精者有子皆

男必壽而賢明高爵也若以經絕後二日四日六日
瀉精者有子皆女過六日皆不成子又遇王相日尤

吉

推王相日法

出便產
須知

春甲乙 夏丙丁 秋庚辛 冬壬癸

推貴宿日法

正月一日六日九日十日十一日十二日十四日二
十一日二十四日二十九日

二月四日七日八日九日十日十二日十四日十九日二十二日二十七日

三月一日六日七日八日十日十七日二十日二十五日

四月三日四日五日六日八日十日十五日十八日二十二日二十八日

五月一日二日三日四日五日六日十二日十三日十五日十六日二十日二十五日二十八日二十九

日三十日

六月一日三日十日十三日十八日二十三日二十
六日二十七日二十八日二十九日

七月一日十一日十六日二十一日二十四日二十
五日二十七日二十八日二十九日

八月五日八日十三日十八日二十一日二十二日
二十三日二十四日二十五日二十六日

九月三日六日十一日十六日十九日二十一日二

十二日二十四日三十日

十月一日四日九日十四日十七日十八日十九日
二十日二十二日二十九日

十一月一日六日十一日十四日十五日十六日十
七日十九日二十六日二十九日

十二月四日九日十二日十三日十四日十五日十
七日二十四日二十七日

若春合甲寅乙卯夏合丙午丁巳秋合庚申辛酉冬合

壬子癸亥與上件月宿日合者尤佳

胎前避忌

出產後
救急方

初受胎後凡妨胎藥物並不宜服或房勞不戒能令
胎孕不成 妊娠六七月後醉飽過度房室不節
母多有腰疼腹痛之疾甚則傷胎不宜登高舉重或
至跌撲挫閃損胎 古人八月則異寢此時邏於色
慾則生子頭戴穢惡而出俗謂戴白生其子必患胎
癰

妊娠食忌法

出便產
須知

食雞子鮮乾鯉魚鱸令子多瘡 食豆醬合藿令墮

胎 食兔肉令子缺唇 食犬肉令子無聲 食酒

多食雀肉令子無恥 食棗子及鴨子令子倒懸

食驢馬肉令子延月 食魚鱉子傷兒 食山羊肉

令子多病 食驢肉令產難 食肉雞及糯米令子

腹中多虫 食水漿令絕產 食雀肉蛇醬令子多

淫無恥 食螺螄令子鋪腹產 妊娠六七月多食五

辛煖酒麵令子胎熱 多食水冷淘葵專生冷菜菓
令子患胎寒 大小便勿向非常之地令子半產殺
兒此大忌之

食忌起居忌

羊胎多食生子多厄難 食蛙子啞啞 食螃蟹橫
生 子薑多食子生瘡多指 乾薑蒜雞毒物皆忌
食 粘膩難化傷胎 無鱗魚不可食 鯪魚過多
致有產難 蒜子名菌有大毒 有食菌多誕子風

天 勿亂服湯藥 酒勿過飲卧產尤忌 勿亂妄
針灸 勿向非常地小便旋半產殺人 勿舉動重
登高涉險 勿有大驚子必癲疾宜自釋 勿多睡
須時行步 體虛腎氣不足子必解顛疾宜自釋
勿傷脾胃及榮衛虛怯子必羸瘦 自家及隣家興
修犯其胎氣令兒破形損命 刀犯者形必傷泥犯
者竅必塞 打擊者色必青黑 擊縛者相拘攣
右等驗如反掌切宜避之

胎前藥忌

出胎產
救急方

雄黃雌黃與砂黃

代赭礞石巴豆霜

水銀鉛粉生金屑

硝分三品厚朴芒

虎掌鬼臼鬼箭羽

川牛牛膝川白薑

天雄附子川草烏

南星半夏及藜蘆

紅花芫草并大戟

躑躅野苳與蘭茹

白薇杜蘅牡丹等

槐子皂角兼搜疏

桃仁三稜乾筒漆

茜草通草瞿麥俱

欖根芽根蘇方木

牛黃蝟皮生鼠徒

蚺青斑蝥并地膽

蝨蟲水蛭及蟻蛄

殭蠶蠶布蟬爪甲

蜈蚣蜥蜴衣白魚

驢馬兔肉雞鴨子

菜中莫食大小葫

麝香肉桂蛇蟬蛻

催生以前切忌諸

普濟方卷三百三十六

欽定四庫全書

普濟方卷三百三十七 明 周王朱櫨 撰

妊娠諸疾門

養胎胎教

附論

夫至精絕化一氣方凝始受胎胞漸成形質子在腹中
雖無聽聞自妊娠之後則須行坐端嚴性情和悅常處
淨室多聽美言令人讀誦詩書陳說禮樂耳不聞非言目
不視惡事如此則生男女福壽敦厚忠孝賢明不然則

男女既生率多鄙賤不壽而遇災此所謂因外象而內感也昔太姒妊娠文王目不視惡色耳不聽惡聲口不談惡言世傳胎教之道蓋謂此也前論亦畧叙之矣若夫婦人有終身無子者何也按巢氏病源云婦人無子者蓋有三焉一者墳墓不嗣二者婦人年命相尅三者夫疹婦病皆令無子若夫疹婦病可以服藥之後能育子相尅則難追今觀是說亦未盡善有人以婦人無子問西京常器之者答曰女人自少多病服燥藥無節用

使天癸耗動早傷故終身無子又有襄陽宋大亨者亦云然若婦人妊娠有兩胎者何也余按古今方書並無論及此者惟巢氏論云陽施陰化精氣有餘故生二胎且謂成一胎之後則精有幾今觀婦人有兩胎者其精神氣宇畧無小異至於數有兩胎或間兩胎者有俱男俱女者有一男一女者道藏經論云有求子法云婦人月信初止一日後三日五日值男女旺相日陽日陽時交合有子多男若男女稟受皆壯則多子一有怯弱則

少子以此推之理可槩見焉又婦人妊娠男女之別何也按顙顙經陽盛發陰當孕成男六腑諸經皆舉其陽陰盛發陽當孕成女六腑諸經皆舉其陰巢氏病源云三陽所會則生男三陰所會則生女葛洪肘後方云男從父氣女從母氣聖濟經云天之德地之德稟陰陽之至和用為流轉於一體因氣左動則屬陽陽資之成男因氣右動則屬陰陰資之成女大易所稱乾道成男坤道成女此男女之別也凡妊娠有疾投以湯藥有傷破

血者忌之何也內經云婦人重身毒之奈何岐伯答曰有故無殞衰其大半而已也蓋妊娠有疾不可不投藥也必有醫者審度疾勢輕重量度藥性高下處以中庸不必多品視其疾勢已衰藥宜便止則病去母安子亦無損復何懼於攻治哉 凡婦人妊娠十月其說見於古書有不
同者多矣按巢氏病源婦人妊娠一月名始胚足厥陰脈養之二月名始膏足少陽脈養之三月名始胎當此之時血不流行形象始化未有定儀見物而變欲子端正莊嚴

常令見貴人不可見狀貌醜惡人也欲生男宜操弓矢乘
牡馬欲生女宜施珥璫環珮欲子美好玩白璧觀孔雀欲
子賢能宜看詩書習雅務手心脈養之四月始受水精以
成血脈手少陽脈養之五月始受火之精以成其氣足太
陰脈養之六月始受金精以成其筋足陽明脈養之七月
始受木精以成其骨手太陽脈養之八月始受土精以
成其膚草手陽明脈養之九月始受石精以成其毛髮足
少陰脈養之十月五臟六腑關節人神皆備此其大備也

又五臟論有稱耆姿者論一月如珠露二月如桃花三月男女分四月形象具五月筋骨成六月毛髮生七月遊其魂而能動左手八月遊其魄而能動右手九月三轉身十月受其氣足更有稱張仲景者亦然又顱顱經云二月為胎胞精血凝也二月為胎形成胚也三月陽神為三魂四月陰靈為七魄五月五行分五臟也六月六律定六腑也七月精光竅通光明也八月元神具降真靈也九月宮室羅布以定生人也十月受氣足萬象成也今推究數說之

理如五臟論者類皆淺陋不經往往妄託其名至於三藏佛書且語涉怪誕謾不可考今按顓顓經三卷云中古巫方所撰隋人巢氏方亦嘗序之今巢氏論婦人妊娠乃不見言之聖濟經原化篇亦獨取顓顓經更不言巢氏論者何哉嬰女童寶鑑集云小兒方論起自巫方黃帝云吾不能療小兒賴國有巫方能知小兒之壽夭也所相傳者有小方中古今巫方畧小兒則取於顓顓經則是未盡其理故不言之焉及觀巢氏論小兒候亦云若聖濟

經者但取其文句下若巢氏之論其間有胎教之法為
可取所以巢氏論妊娠至三月始胎之時欲令見貴人
莊嚴若操弓矢施環珮觀孔雀讀書之類豈非胎教之
理乎嘗試推巢氏所論妊娠脈養之若足厥陰肝脈也
一臟腑之經餘如此且四時之令始於木故十二經之
養胎於肝也所以一月二月手心主心胞絡脈也手少
陽三焦脈也屬火而夏旺所以養胎三月四月也屬手
少陰心手少陽小腸者以君主之官無為而尊也足太

陰脾脈也足陽明胃脈也屬土而旺長夏所以養胎而五月六月手太陰肺脈矣手陽明大腸脈也屬金而旺秋所以在養胎七月八月足少陰腎脈也屬水而旺冬所以養胎九月又況母之腎臟繫於胎氣脈以養然後待時而生此論之奧微而又有至理餘書所論皆不能及也觀此巢氏之論世更有明之者亦未有過於巢氏之論矣余因主其說又曰王氏脈經云產育人倫莫不愛重今世希見論者且謂凡夫婦配合陰陽奇耦乾

道成男坤道成女天元既已妊娠自可將護胎息無犯
禁忌生子必賢明壽考今人嗜慾為樂輕棄性命反又
房勞不自節之亦有時因房勞絡脈滿而經脈虛運動
之間胎氣亦隨經絡所積腹傷胎墮子皆從此損雖間
有降生必逆惡早夭則患胎經變生諸病救療豈不晚
哉 又曰凡妊娠臟腑經脈關節壅塞切忌晝寢不可
等閑服藥針灸思憂悲慮驚恐胎孕時須要頻頻行步
寬緩日三千步用溫酒濯足不可澡浴以防水氣衝胎

難保無難八九月食葵菜臨產宜軟粥飯或爛煮雌鷄
取汁煮粥溫酒飽食則氣順必能易分娩自然無病飢
渴氣乏大冷大熱勿食 又云孫真人云凡妊娠唯在
抑陽助陰素問陰搏陽則謂之胎蓋關前為陽關後為
陰尺中之脈按之搏手而不絕者妊子也婦人平居陽氣
微盛無害及其妊子則方閉經隧養胎氣若陽盛搏之
則經血旺行胎乃不固素問陰虛陽搏謂之崩其抑陽
助陰之方甚多然胎前唯惡羣隊若陰陽調勻有益

交雜別生他病惟內補丸服之使陽不至強陰不至弱
陰陽調勻有益胎嗣此前人未嘗論及二味熟地四兩
酒浸當歸二兩酒浸將息以全人命更得名醫喻諸人
幸莫大焉 氣質生長具天地之性集萬物之靈陰陽
平均氣質完備其理應爾然而奇耦異數有盈有耗剛
柔異用或強或羸血榮氣充不能逃於消息盈虛之理
則稟受之初詎可一槩論是以附贅垂疣駢拇枝指侏
儒跛足形氣所賦有如此者瘡瘍癰腫聾盲瘡啞瘦瘠

疲瘵氣形之病有如此者然則胚胎造化之始精遺氣變之後保衛輔翼固有道矣天有五氣各有所湊地有五味各有所入所湊有節適所入有度量凡所畏忌悉知戒慎資物為養者理固然也寢興以時出處以節可以高明可以周密使霧露風邪不得乘其間而入因時為養者理宜然也以至調喜怒寡嗜欲作勞有節而氣血從之皆所以保攝姪娠使諸邪不得干焉苟不然方授受之時一失調養則內不足以為中之守外不足以

為身之強氣形弗克而病因之若食兔缺唇食犬無聲
食雉魚而瘡癰之屬皆以食物不戒故也心氣大驚而
癰疾腎氣不足而解顱脾胃不和而羸瘦心氣虛乏而
神不足之屬皆以血氣不調之過也誠能食飲知所戒
推而達之五味無所傷誠能於氣血知所調推而達之
邪氣無所乘茲乃生育相待而成者故曰天下人不困
姙娠之人有宿挾疴瘵而後有孕時節適乖以致生疾
病並有腑臟衰損氣力虛羸令胎不長故須服藥去其

疾病令有血氣以養扶胎者也 妊娠將理無方脾胃

不足飲食減退不行榮衛化精微養衛任令胎臟內弱
子氣不足故巢氏病源方調母療母則胎安是也若使
脾胃和而能飲食穀水化而運氣血則何慮胎氣不長
也 又云人由受氣至於有生十二經脈迭相滋養猶
之物也得寒溫之正土地之宜無物不長凡胎處胞中
或有萎燥者蓋由妊婦所稟怯弱不足自周陰陽血氣
偏係非冷即熱胞失於滋所以萎燥而不長也日月雖

過不能生育亦有損墮胎孕者惟宜資母血氣脾陰陽
調通本末相應則胎安而有養矣 又云妊娠一月謂
之始形二月謂之始稫三月謂之始胎當是之時血氣
不流形象始化男女分形當其形未分緣感而孕所以
孕婦欲令見榮貴端正之人不欲見偃僂侏儒之輩及
猿猴犬馬怪禽異獸仍夜卧宜息心靜氣慎勿亂思恐
形異夢而不祥也妊娠所以擇食者蓋孕假五氣五味
生成五臟氣味各隨所喜而歸之陰陽相應論曰酸生

肝苦生心甘生脾辛生肺鹹生腎假五味以生也六節
藏象傳曰燥氣湊肝焦氣湊心香氣湊脾腥氣湊肺腐
氣湊腎此五臟假五氣以成形也若形藏未備則隨其
不足而孕婦必欲其氣味食之蓋陽為氣陰為精氣化
則精生味化則形長誠以人之生也氣本於天形本於
地內經謂天食人以五氣地食人以五味正此之謂若夫
天地既分質不完者皆孕婦擇食之時不得其氣味故
視斜覲短偏瞽雙盲手擎足跛腰偃背僂此肝形之不

備也言遲語吃或瘡或癩神氣昏塞此心形之不備也
胸背凸凹舌短唇缺此脾形之不備也毫毛踈薄髮髮
禿落或毫毛通白皮膚偏赤此肺形之不備也毛髮焦
黃形體小黑五鞭五軟歲不長此腎之形不備也由是孕
婦擇食假其氣味生成五臟一有不備病輒隨之譬猶
陶冶成器若或苦窳是水火之利不齊也

方

烏鷄雞湯

治妊娠一月名始胚飲食精熟酸美受御

宜食大麥毋食腥辛是謂始正 妊娠一月足厥陰脈

養不可針灸其經厥陰內屬於肝肝主筋及血一月之

時血行否澀不為力事寢必安靜令無恐懼 妊娠一

月陰陽新合為胚寒多為痛熱多卒驚舉重腰痛腹滿

胎胞急卒有所下當預安之宜服

烏鵲雞一隻治如食法 茯苓 阿膠各二兩 甘草 生薑各一

兩 吳茱萸升 麥門冬五人參 芍藥 白朮各三兩

右㕮咀以水一斗二升煮雞取汁六升去雞下藥煎

之用三升內酒三升并膠烱盡取三升放溫每服一

升日三服

補胎湯

大全良方

若曾傷一月胎者當預服此方

細辛

一兩

防風

二兩

乾地黄

白朮

各三兩

生薑

四兩

吳茱萸

萸

大麥冬

各五合

烏豆

一升

右咬咀以水七升煮取二升半分三服先食服寒多

者倍細辛菜萸熟多者去之加桔萎根二兩若有所
思去大麥加栝子仁三合一方有人參一兩忌生菜

燕薏桃李雀肉等物

艾葉湯

一名雞艾湯
出千金方

治妊娠二月名始藁無食辛燥

居必靜處萬事勿勞百節皆通是為胎始結

妊娠

二月足少陽脈養不可針灸其經足少陽內屬於膽

主精二月之時兒精成於胞裏當慎護驚動也妊娠

二月始陰陽踞經有寒多慄不成有熱即萎悴中風

寒有所動搖心滿臍下懸急腰背強痛卒有所下乍

寒乍熱

艾葉 丹參 當歸 麻黃 人參 阿膠

各二兩

各三

兩甘草 四分生薑 六兩大棗 十二枚

右咬咀以酒三升水一斗煮減半去滓內膠煎取三升分三服一方用鷓鴣雞半隻宿肥者治如食法割頭去血內三升酒中相和次以水一斗二升先煮取汁去雞肉內藥煎取三升內血酒并膠煎取三升分三服忌海藻松采

黃連湯

出千金方

若曾傷二月胎者當預服此

黃連

人參

各一兩

吳茱萸

生地黃

各五兩一
方用阿膠

右咬咀以酢漿七升生薑三兩煮取三升分四服日
三夜一每十日一修合若頗覺不安加烏梅一升煮
不用漿直用水一方用當歸五錢忌諸冷水蕪荑

雄雞湯

出千金方

治妊娠三月名始胎當此之時未有定

儀見物而化欲生男者操弓矢欲女者弄珠璣欲子
美玩璧玉欲子賢宜端坐清虛是為外動內感者也
妊娠三月手心主脈養不可針灸其經手心主內屬

於心無悲哀思慮驚動 妊娠三月為定形寒大便
青熱小便難不赤即黃卒嗔恐憂思嗔怒喜頓什動
於經脈腹繞臍苦痛或腰背若有所下

雄雞

一隻治
如食法

黃芩

白朮

生薑

各一兩

麥門冬

五合

芍藥

四兩

大棗

十二枚

甘草

人參

茯苓

阿膠

各二兩

兩

右㕮咀以水一斗五升煮雞臠半出雞內藥者率內
清酒三升并膠煎取三升分三服一日令盡當溫卧

一方用當歸芎藭各二兩不用黃芩生薑忌海藻松菜鮮物桃李雀肉等

茯苓湯

出千金方

若曾傷三月胎者當預服此

茯苓 丹參 龍骨 阿膠 當歸 甘草

各一兩

人參

各二兩

大棗

十二枚

赤小豆

二十粒

右㕮咀酢漿一斗煮取三升分四服先食服七日後服一劑腰痛者加桑寄生二兩一方有薤白二兩麻子一升忌同前一方用水煎服

菊花湯

一名麻黃雌雞湯
出聖惠方

治妊娠四月受水精以成血

脈食宜稻粳羹魚雁節飲食養血氣通耳目而行經
絡妊娠四月手少陽脈養不可針灸其經手少陽內
輸三焦四月之時而六腑順成當靜形體和心志節
飲食妊娠四月寒心下愠愠欲嘔胸膈滿不欲有熱
小便苦數如淋狀臍下苦急卒中風寒脛項強痛寒
熱或驚動身軀腰背腹痛往來有時胎上追胸心煩
不得安卒有所下

菊花

雞子大一枚

麥門冬

升一大棗十二枚

人參

五錢

甘草

當歸

各二兩

麻黃

去節

阿膠

各三兩

半夏

四兩

生薑

五兩

右㕮咀以水八升煮減半內清酒三升并阿膠煎取

三升分三服溫卧當汗以粉撲之護風寒四五日一

方用烏雌雞一隻煮水煎藥忌羊肉海藻松菜飴等

調中湯

出千金方

若曾傷四月胎者預服此

白芍藥

生薑

各四兩

厚朴

生李根白皮

枳實

白朮

柴胡

各三兩

續斷

芎藭

甘草

各一兩

當歸

二烏藥一升

右㕮咀以水一斗煮取三升分四服日三夜一八日
之後復一劑一方有半夏二兩忌海藻松菜桃李雀
肉

阿膠湯

一名旋復丸
湯出千金方

治姙娠五月始受火精以成其

氣卧必晏起沐浴換衣深其居處厚其衣服朝吸天
光以避天寒時殃其食稻麥其羹牛羊和以菜芻
調以五味是為氣養以定五臟 又云姙娠五月是

太陰脈養不可針灸其經足太陰內輸於脾五月之
時兒四肢皆成無令大飢無甚飽無食乾燥無自灸
熱無大勞倦 妊娠五月毛髮初生有熱苦頭眩心
亂嘔吐有寒苦腹滿小便數卒有恐怖疼痛寒熱胎
動無常處腹痛悶煩欲卧若有所下

旋復花

合二

人參

兩一

生薑

錢二

當歸

芍藥

甘草

黃芩

兩各二

吳茱萸

合七

阿膠

兩四

麥門冬

升一

右咬咀以水九升煮藥減半內清酒三升并膠微火

煎取三升半分四服日三夜一先食服便愈不寢再服一方用烏雞一隻割取咽血內酒中以水煮雞藥減半內酒并膠煎取三升半分四服忌海藻松菜

安中湯

出千金方

曾傷五月胎者預服此

黃芩

一兩

當歸

一兩

芎藭

一兩

乾地黄

一兩

人參

各二兩

甘草

各二兩

芍藥

各二兩

生薑

六兩

麥門冬

一升

五味子

一升

大麻黃

各五兩

升

大棗

十二枚

右㕮咀以水七升清酒五升煮取三升分四服日三

夜一七日服一劑忌如前

麥門冬湯

一名人參雌雞湯出千金方

治妊娠六月始受金精以

成其筋身欲微勞無得靜處出遊於野數觀走犬及視走馬宜食鷙鳥猛獸之肉是謂變腠理鈕經以養其力以堅背脊 妊娠六月足陽明脈養不可針灸

其筋足陽明內屬於胃主其口目六月之時兒口目皆成調五味食甘美無太飽 妊娠六月卒有所動不安寒熱往來腹內脹滿身體腫驚怖忽有所下腹

痛如欲產手足煩疼

麥門冬

升一人參

甘草

黃芩

各二兩

乾地黄

阿

膠

四兩

生薑

六兩

棗

十五枚

右㕮咀以水七升煮減半內清酒二升并膠煎取三升分三服每如人行三四里中間進糜粥一方用烏雌雞一隻煮水以煎藥忌海藻松菜蘼菜

柴胡湯

出千金方

若曾傷六月胎者當預服此

柴胡

四兩

茯苓

一兩

白朮

芍藥

一作紫苑

甘草

麥門冬

芎藭

各二兩

生薑

六兩

乾地黄

五兩

大棗

三十枚

右㕮咀以水一斗煮取三升分四服日三夜一中間進糜粥勿食生冷及堅硬之物七日更服一劑大全方黃芩二兩忌海藻松菜蕪夷桃李雀肉等

葱白湯

出千金方

治妊娠七月始受木精以成其骨勞身

搖肢無使定止動作屈伸以遲血氣居處必燥飲食

避寒常食稻粳以密腠理是養骨而堅固齒 妊娠

七月手太陰脈養不可針灸其經太陰內屬肺主皮

毛七月之時其皮毛已成無大言無號哭無薄衣無洗浴無寒飲 姙娘七月忽驚恐搖動腹痛足有所下手足厥冷脈如傷寒煩熱腹滿短氣常若頸項及腰背強常宜服

葱白

長三四寸
十四根

半夏

麥門冬

旋復花

黃芩

一人參

一兩
五錢

甘草

當歸

黃耆

各三兩

阿膠

四生兩

薑

八兩

右㕮咀以水八升煮減半內清酒三升及膠煎取四

升每服一升日三夜一溫服常汗出若不出者加麻黃二兩煮服如前法若秋後勿強出汗一方以黃雌雞一隻割咽血取血內酒中煮雞取汁以煎藥大全方忌羊肉鰯海藻及松菜等

杏仁湯

出千金方

若曾傷七月胎者當預服此

杏仁

甘草

紫苑

各一兩

鍾乳

乾薑

各三兩

麥門

冬

去心

吳茱萸

一升

粳米

五合

五味子

三合

右呖咀以水八升煮取三升半分四服日三夜一中

間進食七日服一劑一方用白雞一隻煮汁黃雌雞
亦可用酒二升煎藥大千方忌海藻松菜

芍藥湯

出大全
良方

治姙娠八月始受土精以成膚革和
心靜息無使氣急是謂密腠理而光澤顏色 姙娠

八月始手陽明脈養不可針灸陽明內屬於太陽主
九竅八月之時兒九竅皆成母調護尤宜謹慎無食
燥物無輒失食無忍大飢 姙娠八月中風寒有犯
觸身體盡痛乍寒乍熱胎動不安常苦頭眩痛繞臍

下寒時小便白如米汁或青或黃使寒燥腰背苦冷而痛目眈眈

右呶咀以水五升清酒四升合煎取三升分三服日

二夜一一方用雌雞煮汁煎藥大千方忌海藻松菜

桃李雀肉等

葵子湯

出千金方

若曾傷八月胎者當預服此

葵子

二升

甘草

厚朴

各二兩

白朮

柴胡

各三兩

芍藥

四兩生薑

六兩

大棗

二十枚

右咬咀以水九升煮取三升分三服日二夜一凡十日一劑一方用烏雌雞一隻煮水煎藥大千方忌海

藻菰菜桃李雀肉等

半夏湯

出千金方

治妊娠九月始受石精以成皮毛六腑

百節莫不畢備體佚食甘緩帶自持而待之是謂養毛髮致才力妊娠九月足少陰脈養不可針灸其經足少陰內屬於腎腎主續縷皆成無處濕冷灸衣

妊娠九月若卒得下痢腹滿懸急胎上衝心疼痛不

可轉側短氣

乾薑

一兩十二枚

右呖咀以水九升煮取三升去滓白蜜八合微火上

溫分四服痢即止一方雌雞一隻煮汁煎藥大千方

忌血飴物等

猪腎湯

出千金方

若曾傷九月胎者當預服此

猪腎

一具茯苓

桑寄生

乾薑

乾地黄

芎藭

各三兩

白朮

附子

中者一枚

大豆

三合

麥門冬

一升

右咬咀以水一斗煮腎令熟去內藥煎取三升半分
四服日三夜一十日更服一劑大全方忌猪肉蕪荑
桃李雀肉酢等物一方有人參無附子大豆

丹參膏

出千金方一名
滑胎丹參膏

治養臨月服令滑而易產

姪娘十月五臟俱脩六腑齊通納天地氣於丹田故
使關節人神皆脩但候時而生姪娘一月始胚二月
始膏三月始胞四月形體成五月能動六月筋骨立
七月毛髮生八月臟肺具九月穀氣入胃十月諸神備

日滿即產矣宜服滑胎藥入月即服此藥

丹參

半

芎藭

當歸

各二兩

蜀椒

五合有熱以大麻仁八合代

右㕮咀以清酒漉溫停一宿煎成膏以猪脂四升微火煎膏色赤如血膏成新布絞去滓每日取如棗許納酒中服之不可逆服至臨月乃可服舊有常驗

甘草散

出千金方

令易生母無疾病未生一月內預服過

三十日行步動作如故兒生墮地皆不覺

甘草

一兩

黃芩

一用茯苓

乾薑

吳茱萸

大豆黃卷

蘇子仁 桂心 大麥蘖

各三兩一
方用粳米

右搗篩酒服方寸匕日三煖水服亦得

麥門冬散

出聖
患方

治妊娠一兩月惡食手足煩悶

麥門冬

去心

大腹皮

剉各一兩

知母

人參

去蘆頭

黃芩

枳殼

炒微黃去
穰各三兩

右為末每服四錢以水一大盞入葱一兩煎至五分

去滓食前溫服

黃芩散

出聖
患方

治若魯傷二月胎者當預服此

黃芩

人參

去蘆頭

阿膠

搗碎炒黃
燥各一兩

當歸

五錢剉
微炒

吳

茱萸

一分湯浸七
遍焙乾微炒

右為散每服四錢以水一盞入生薑半分煎至五分

去滓食先溫服如覺大便不安加烏梅一兩

芎根飲子

出聖
惠方

治妊娠二三月胎動

生芎根

二兩

甘草

炙微
赤剉

黃芩

白芍藥

當歸

剉微
炒各

一兩

右細剉和勻每服五錢以水一大盞入棗三枚煎至

五分去滓食前溫服

竹茹散

出聖惠方

治妊娠三四月胎動不安手足煩熱面

色萎黃

竹茹 麥門冬 白茯苓 梔子仁 黃芩

各一兩

甘草

五錢炙微赤剉

石膏

二兩

右為散每服四錢以水一盞煎至六分去滓食前溫

服

柴胡

去人參

去蘆頭各一兩

甘草

炙微赤剉

紫蘇根葉

大腹

大腹

皮 陳皮

湯浸去白皮
微炒各五錢

木通

三分
剉

右為散每服四錢以水一大盞煎至五分去滓食前

溫服

赤茯苓散

出聖
惠方

治妊娠四五月頭重耳鳴時時腹痛

赤茯苓

桑寄生

蔓荊子

各一
兩

人參

五錢
去
蘆頭

防

風

去蘆
頭

刺薊

各三
分

右為散每服四錢水一盞煎至六分去滓食前溫服

人參散

出聖
惠方

治妊娠四五月胎不安或有所下

人參

去蘆頭

當歸

剉微炒

芎藭

黃芩

艾葉

微炒

桑寄生

生

乾熟地黃

以上各二兩

阿膠

二兩搗碎微炒令黃色

甘草

炙微

赤五錢

吳茱萸

湯浸七遍焙炒五錢

右為散每服三錢以水一中盞煎至五分去滓食前

溫服

乾地黃散

出聖惠方

治魯傷五月損胎預服

熟地黃

甘草

麥門冬

去心

五味子

黃芩

桑

寄生

各五錢

右為末每服三錢以水一大盞煎入生薑半分棗三枚煎至三分去滓每於食前溫服

桑寄生散

出聖惠方

治妊娠五月胎不安腹內疝刺痛日

夜不止不欲言語四肢昏沉宜服安胎

桑寄生

木通

剉赤茯苓

當歸

剉微炒

知母

各一兩

甘草

炙微赤

白芷

遠志

去心

陳橘皮

湯浸去白皮焙各五錢

熟

乾地黄

二兩

右為散每服四錢以水一盞煎至五分去滓不拘時

腰背强悉主之

葱白

十四根

半夏

湯浸七遍去滑

黃芪

黃芩

人參

去蘆頭各

一兩生薑

阿膠

搗碎炒令黃燥二兩

甘草

炙微赤

旋覆花

各五錢

右細剉先取黃雌雞一隻治如食法以水一斗煮雞取汁五升去雞下藥煎至三升入酒二升更煎四升去滓每於食前溫服一小盞

半夏飲子

出聖惠方

治姙娠七八月或因驚恐或是傷寒

煩熱肚腹滿脹氣促腫重

半夏

湯浸七遍去滑

黃芪

人參

炙微赤去蘆

麥門冬

黃芩

甘草

各五錢

右細剉和勻每服五錢水一大盞入生薑半分葱白七寸煎至五分去滓不拘時候溫服

當歸散

出聖惠方

治妊娠八九月因誤損胎不安腹內疔

痛下血不止胎死活未知但妊娠腹內疔痛或漏胎胞

當歸

剉微炒

芎藭

桑寄生

艾葉

微炒各一兩

阿膠

二兩

搗碎炒

今黃燥

右為散每服四錢以水一大盞煎至五分去滓入酒

一合更煎三兩沸不拘時候放溫服之

赤石脂散

出聖惠方

治妊娠八九月胎動時有所下腹內

疔刺疼痛

赤石脂

白朮

當歸

剉微炒

乾薑

炮製剉

蘆根

桑

寄生

各五錢

地龍

一分

艾葉

三分微炒

鍾乳粉

芎藭

鹿

茸

去毛塗酥炙今黃

熟地黃

厚朴

去麁皮塗生薑汁炙今黃香熟各二兩

右為散每服三錢酒水各半中盞煎至六分去滓不
拘時候溫服

甘草湯

出聖
惠方

治妊娠十月滿足入月預服

甘草

黑豆

炒熱

糯米

大麻子

各一兩

乾薑

炮製

白茯苓

吳茱萸

湯浸七遍焙乾
微炒各五錢

右為散每服食前以煖酒調下二錢入月不時取服

地黃芩窮丸

出聖
惠方

治妊娠氣血虛弱令胎不長和氣

養胎

熟乾地黄

厚朴

去麁皮生薑汁炙各一兩

芎藭

當歸

切龍焙

骨

阿膠

白石脂

各三分

白茯苓

去黑皮

柴胡

炒刺

薊

桑寄生

焙乾

黃芪

剉各五錢

甘草

炙剉一分

人參

三分

右為細末煉蜜和丸如梧桐子大每服三十九丸不拘時候溫服粥飲下日三服

人參丸

出聖惠方

治妊娠胎不長宜服養胎

人參

白茯苓

去黑皮

當歸

切焙

柴胡

去苗各一兩

枳殼

三分

厚朴

刺薊

桑寄生

各一兩

甘草

五錢

右為細末煉蜜和丸如梧桐子大每服二十九不拘時
候食前溫水吞下一方加阿膠一兩

熟地黃湯 治妊娠胎萎燥羸瘦不長

熟乾地黃

焙

甘草

炙

白朮

白茯苓

去黑皮

各三分

阿膠

炙

木香

各一兩

細辛

去苗葉

人參

防風

白芷

各五錢

右㕮咀每服三錢以水一盞煎至七分去滓溫服日

三服

蒸大黃

出十金方

治妊娠養胎令易產

大黃

三十銖蒸

枳實

芎藭

白朮

杏仁

各十銖

芍藥

乾薑

厚朴

各十銖

吳茱萸

一兩

右為末煉蜜和丸如梧桐子大每服空心酒下二九

日二不知稍加之

黃芪湯

出聖惠方

治妊娠胎不長安胎和氣思飲食利四

肢

黃芪

剉

白朮

人參

麥門冬

去心焙各三分

芎藭

甘

草

炙剉各五錢

陳橘皮

湯浸去白皮焙

前胡

去蘆各三分

白茯苓

去黑

皮一分

右呖咀每服三錢以水一盞入生薑三片棗三枚同煎至六分去滓食前溫服

白朮湯 治妊娠胎萎漸覺羸劣面色黃黑腹臍虛冷

白朮

炒二兩

芎藭 芍藥

厚朴

去麁皮生薑汁炙

當歸

切焙

人參

甘草

炙 阿膠 勒

泡去核各五錢

右呖咀每服三錢以水一盞入生薑一分煎至七分

去滓溫服日三

乾地黃湯 治姙娠氣血虛冷不足胎不長

熟地黃

焙

阿膠

米炒

芍藥

當歸

各二兩

赤芍藥 甘

草

炙人參

各五錢

右咬咀每服三錢以水一盞入粳米少許同煎至七分去滓溫服日三服

白朮散 治姙娠胎不長養

白朮

三兩

芍藥

芍藥

人參

阿膠

炙令燥各一兩

甘草

炙剉五錢

右為末每服三錢以葱粥飲調下日三服一方如腹痛加芍藥心下毒氣痛倍加芍藥吐唾不能飲食加細辛一兩半大棗二十枚煎服之更以醋漿水服之若嘔亦以醋漿水服

白朮當歸湯 治妊娠胎萎燥胎漏腹痛不可忍

白朮

當歸

切焙

芍藥

人參

阿膠

炙燥各二兩

艾葉

焙乾一兩

右㕮咀每服五錢以水一盞酒半盞入棗三枚拍碎

同煎至一盞去滓分二服空心一服午食前一服

橘皮湯 治妊娠虛冷胎萎燥不長

陳橘皮

湯浸去白皮焙

厚朴

去麁皮薑汁炙各三分

當歸

切焙

人參

阿膠

炙燥各五錢

白朮

二兩

右㕮咀每服三錢以水一盞入生薑切一分棗三枚擘破同煎至七分去滓溫服

熟乾地黄

治妊娠胎萎燥過時未產滋氣血益胞臟

熟乾地黄

炒

當歸

切焙

熟艾

炒

乾芎藭

各一兩

阿膠

炙燥

甘草

炙剉焙
各五錢

右呖咀每服三錢以水一盞煎至七分去滓溫服

艾葉湯 治姙娠胎中虛冷致胎燥萎不長

艾葉

炒

芎藭

當歸

炙

乾薑

炮

白朮

各一兩

右呖咀每服三錢匕水一盞煎至七分去滓溫服

三一方有甘草無乾薑

桑寄生湯 治姙娠胎萎燥不動心中急痛

桑寄生

剉

白茯苓

去黑皮

人參

姜蕤

各一兩

白朮

二兩

右呖咀每服三錢匕以水一盞入粳米半合生薑一分切同煎至七分去滓溫服日三

當歸散

治妊娠胞中虛胎不長致令萎燥

當歸

切焙

甘草

炙

乾薑

炮

芎藭

各一兩

白朮

二兩

右呖咀每服三錢匕以水一盞入大棗三枚擘破同煎至七分去滓空心溫服

白朮散

調補衝任扶養胎氣治妊娠宿有風冷胎痿

不長或失于將理動傷胎氣以致損墮懷孕長服壯

氣益血護胎臟

白朮

川芎

各四兩

川椒

炒出汗三分

牡蠣

煨二分

右為末酒調一錢日三夜一如苦痛加芍藥心下毒痛倍加川芎吐唾不能飲食加細辛半夏各二兩大棗二十枚服之腹有漿水服之若嘔亦以醋漿水服之復不解者小麥汁服之以後其人若渴者大麥粥服之病雖愈盡服之勿置忌雀肉桃李

當歸飲

治妊娠胎萎燥

當歸

切焙
一兩

芎藭

阿膠

炙剉各
三分

白朮

半兩

右為麤末每服三錢匕以水一盞煎至七分去滓溫服

日三

阿膠湯

治妊娠胎痿燥全不轉動

阿膠

炙燥一兩半

當歸

切焙一兩

甘草

白朮

二兩

右麤搗篩每服三錢匕以水一盞煎至九分去滓溫服

日三

枳殼散

常服養胎益氣安和子臟治胎中一切惡疾

見方在滑胎類

地黃丸 治婦人血衰不足經脈候滯澁至子宮不榮
妊娠多病胎不長成用熟乾地黃不拘多少切焙為
末蜜煉和丸如彈子大每服一九空心煎當歸酒嚼
下溫酒下亦可

治婦人懷胎不長

用鯉魚長一尺去腸肚以水漬沒納鹽及棗煮令熟
取汁稍飲之當胎所腹上有汗出如牛鼻狀甚者雖

有所見胎須不安者十餘日輒一服此令胎長大平安

轉女為男

夫天地者形之大也陰陽者氣之大也惟形與氣相資而立未始偏廢男女媾精萬物化生天地陰陽之形氣寓焉語七八之數者七少陽也八少陰也相感而流通女子二七天癸至男子二八天癸至則以陰陽相合而兆始故也語九十之數者九老陽也十老陰也相包而

踐形故陰窮於十男能圍之陽窮於九女能圍之則以陰陽相生而成終故也元氣孕毓皆始於子推之男左旋積歲三十而至己女右旋積二十四而至己巳為正陽陰實從之自己懷妊推之男左旋十月而生於寅女右旋十月而生於申申為三陰寅為三陽而生育之時著矣其稟賦也體有剛柔脈有強弱氣有多寡血有盛衰皆一定而不易也以至分野異域則所產有多寡之宜吉事有祥則所夢兆有各應之類是故揚豫薄壤多

女雍冀厚壤多男熊羆為男子之祥蛇虺為女子之祥是皆理之可推也胎化之法有所謂轉女為男亦皆理之自然如食牡雞取陽精之全於天產者帶雄黃取陽精之全於地產者操弓矢持斧斤取剛物之見於人事者氣類潛通造化密移必於三月兆形之先蓋方儀則未具陽可以勝陰變女為男理固然也 又云張華博物志曰妊娠必謹所感感於善者生子必善感於惡者生子必惡故不可見惡物異禽毒獸切忌食驢馬犬兔

龜鱉鵝鴨無鱗魚粘膩難消化諸物葱薑乳餅等屬用醬和藿食損胎難產惟務簡靜動止有節三箇月之後聽誦讀經典諷詠詩書靜處養心目不視惡色耳不聽惡聲如此生子必賢明端正忠孝壽考也

方

丹參丸

出千金方

治婦人始覺有孕養胎并轉女為男

丹參

續斷

芍藥

白膠

白朮

栢子仁

甘草

各二人參

芎藭

乾薑

各三兩

吳茱萸

橘

皮

當歸

各一兩

白芷

冠纓

燒灰各一兩

乾地黄

一兩五錢

蕪荑

十八銖

犬卵

一具乾

東門上雄雞頭

一枚

右為末蜜和丸如梧桐子大酒服十九日再稍加至

二十九

又方

出千金方

用蠶一枚以井花水服之日三服

轉女為男者蓋陽施陰化所以有娠遇三陰所會多生女子但懷娠二月名曰始藏精成為胞至於三月謂之

始成胎血脈不流象形而變是男女未定故令於未滿三月間服藥方轉令生男也

以斧置姙娠床下繫刃向下勿令人知恐不信者令待雞抱卵依此置窩下一窩盡出雄雞神效如此雖未試亦不可不知者一法覺三月尿雄雞糞處

凡受胎三月逐物變化故古人立胎教能令生子良善長壽忠孝仁義聰明無疾蓋須十月內常見好景象毋

近邪僻真良教也如有觸忤傷胎各有治法初覺有娠

時可轉女成男

出千金方

取弓努弦縛婦人腰下滿百日去之一法絳囊盛

帶左臂

紫宮玉女秘法

取雄雞尾尖上長毛三莖潛安婦人卧蓆下勿令

知之驗

又法 取夫髮及手足甲潛安卧蓆下勿令人知

姪娘纔滿三月要男法

出千金方

以雄黃半兩衣中帶之要女者以雌黃帶之一方

絳囊盛帶之

惡阻 附論

夫姪娘阻病者謂之子病巢氏病源謂之惡阻若稟受怯弱有風氣或有痰飲既姪娘便有是病有其狀顏色如故脈息和順但覺肢體沉重頭目昏眩擇食惡聞食氣好食酸醎甚者或作寒熱心中憤悶嘔吐痰水胸膈

煩滿恍惚不能支持初妊皆然但疾有輕重耳輕者不服藥亦不妨重者須以藥療之宜服半夏茯苓丸二方專治阻病然此二藥比來少有服者半夏有動胎之性蓋胎初結慮其易致寒熱發作不可不謹也張仲景傷寒論云婦人傷風續得寒熱發作有時此為熱入血室有用黃龍湯小柴胡湯去半夏此蓋為妊婦而設也宜以白朮散或人參丁香散人參橘皮飲子試之亦效皆不用半夏動胎等藥服者知之 水飲倚積結聚為痰

人皆有之少者不能為害多者成病必且妨害飲食乃至嘔逆姙娠之病若嘔甚者傷胎也原病之由皆謂氣不調或風寒乘之冷入於胃故成斯病也亦惡阻之一也 又曰婦人所食穀味化為血氣下為月水凡姙娠之初月水乍聚一月為牒二月為胚三月為胎胎成則男女分食於母之血焉則牒胚之時血氣未用五味不化中氣壅塞所以脾胃不思穀味聞見於物故惡心有所阻也其病心中憤悶頭重目眩四肢怠惰惡聞食氣

是矣 妊娠之初經隨內閉以氣養血當是之時腸胃
茹雜散入焦膈若素有痰飲輒飲與血搏食則嘔吐頭
目旋暈憎聞食氣喜啖酸醎四肢倦怠不勝支持多卧
少起厭厭懶墮名曰惡阻已產之後胞外餘血敗瘀流
利名曰惡露蓋惡者不善不淨之義阻者阻截之義血
搏痰飲伏於胞絡難除也當漸消之內裹於胞臟隨胎
而至不可遲也當亟逐之故胎前惡阻病者心中憤悶
頭重脹眩四肢沉重懈惰不欲執作惡聞食氣欲噉酸

臑多睡少起世云惡食是也乃至滿三月四月日已上大劇者不能勝舉也此由婦人本體虛羸血氣不足骨力又弱兼當風受冷太過心下有痰水挾之而有妊娠既已痰水漬於臟氣不宣故心煩憤氣逆則嘔吐血既不通經絡痞澁則四肢沉重被風則頭眩故有胎而病惡阻也所謂欲有胎者其人月水尚未來而顏色皮肉如常但加沉重憤悶不欲飲食不知患所在脈理順緒四時平和即是欲有胎也

方

半夏茯苓湯

出千金方

治妊娠阻病心中憤悶空煩吐逆

惡聞食氣頭眩體重四肢百節疼痛沉重多卧少起

惡寒汗出漸極黃瘦

半夏

生薑

各三十銖

乾地黄

茯苓

各三十銖

橘皮

旋

復花

細辛

人參

芍藥

芎藭

桔梗

甘

草

各十二銖

右咬咀以水一斗煮取三升分三服若病阻積月日

不得治及藥服冷熱失候病變客熱煩渴口生瘡者
去橘皮細辛加前胡知母各十二銖若變冷下痢者
去乾地黄入桂心十二銖若食少胃中虛生熱大便
閉塞小便少者加大黃十八銖黃芩六銖餘依方服
一劑得下後消息若氣力冷熱增減方調定更服一
劑湯便急服茯苓湯丸令能食有力便強健也忌生
冷酸滑油膩菰菜海藻一方加棗二枚名半夏湯衛
生寶鑑無細辛三因方無旋復花有紫蘼葉

茯苓散

出千金方

治妊娠阻病患心中煩悶頭眩重增聞

飲食氣便嘔吐悶煩顛倒四肢垂弱不自勝持服之
即效要先服半夏茯苓湯兩劑後可服此常服此藥
消痰水令能食強力養胎

茯苓

去皮

人參

去蘆

桂心

熬

乾薑

炮

半夏

一方洗七次炒黃

橘

皮

各一兩

白朮

葛根

甘草

炙

枳實

各三兩

右為末蜜和丸如梧桐子大米飲服二十九漸加至
三十九日三服肘後方無乾薑半夏橘皮白朮葛根

只五味又云妊娠忌桂一方有麥門冬忌海藻松菜
羊肉飴糖桃李雀肉鮓

陳橘皮丸 治妊娠阻病心中煩悶頭眩惡聞食氣常
嘔吐悶亂顛倒四肢怠惰不自勝舉先服半夏茯苓
湯兩劑後次服此

陳橘皮 去白炒 白茯苓 去黑皮各一兩 白朮 甘草 乾薑

炮半夏 溫水洗去滑 枳實 去穢炒各二兩

右為末煉蜜和丸塗酥為劑搗令勻熟如梧桐子大

每服二十九生薑湯下食前服

治妊娠惡阻嘔吐不止頭痛全不入食服諸藥不效者

用此藥理血歸原則愈

出大全良方

人參 甘草 川芎 當歸 赤芍藥 丁香

各五

錢白茯苓 白朮 陳皮 各一兩 苦梗 炒 枳殼 去穢炒各

分 半夏 泡洗七遍切炒黃一兩

右咬咀每服三錢加生薑五片棗一枚煎

麥門冬

出聖惠方

治妊娠心煩憤悶虛燥吐逆惡聞食氣

頭眩四肢沉重百節疼痛多卧少起

麥門冬 子芩 赤茯苓 一兩 柴胡 赤芍藥 陳

皮 人參 苦梗 桑寄生 甘草 旋復花 各五

錢 生地黃 二兩

右為麤末每服四錢水一盞薑半分煎至六分去滓

無時溫服

安胎飲

出永類
鈴方

治懷三月四月至九月胎惡阻病心

中憤悶頭眩目昏四肢沉重懈怠不欲執作惡聞食

氣欲啖醎酸多卧少起嘔逆不食或胎動不安非時
不能轉動腰腹疼痛或不時下血及姙娠一切疾病
並皆治之

甘草

茯苓

去皮當歸

去蘆

熟地黄

酒蒸焙

芎藭

白朮

黃芪

去苗

白芍藥

半夏

泡洗七次切炒

阿膠

切粉炒

地榆

各等

分

右咬咀每服三錢水一盞半生薑四片煎至八分去
滓溫服無時候如或惡食但以所思之物任意與之

必愈按妊娠禁忌食物雞鴨鯉魚鰓兔犬驢騾山羊
肉魚鱉蝘雞雀桑椹又按胎教論云令母常居靜室
多聽美言聽人講論詩書陳說禮樂耳不聽非言目
不視惡事心不起邪念能令生子敦厚福壽忠孝仁
義聰明無疾斯乃聖人所留胎教也

一方無半夏地榆有人參桑寄生一方無白朮黃耆
半夏地榆有艾葉又名膠艾湯加白茯苓

枳殼丸 治妊娠阻病心中煩悶頭眩聞食氣即嘔吐

逆四肢無力不自勝舉

枳殼

麩炒微黃去穰

人參

去蘆

肉桂

去麁皮

半夏

湯洗七遍去滑

白朮

葛根

剉

白茯苓

各一兩

麥門冬

一兩五錢去心焙

乾薑

炮甘

草

炒赤各三兩

陳橘皮

湯浸去白皮焙一兩

右為末煉蜜和搗二三百杵丸如梧桐子大每服不

拘時候以生薑粥飲下三十丸

茯苓湯

治妊娠惡阻嘔逆惡心四肢疼痛惡聞食氣

怔忡煩悶多損墮宜安胎調勻血脈

白茯苓

去皮

旋復花

各二兩

陳橘皮

一兩五錢

芫蕒

人參

桔梗

去蘆頭炒

甘草

炒令赤色

芍藥

各一兩五錢

生乾地黄

二兩五錢

細辛

去苗一兩

右麤搗篩每服三錢匕水一盞同煎至六分去滓溫

服不拘時候

旋復半夏湯

治妊娠阻病心下憤悶嘔逆不食惡聞

食氣頭暈四肢百節煩悶多卧少起

旋復花

去枝萼

芫蕒

細辛

人參

甘草

炙以上各五錢

半夏

湯泡七次

赤茯苓

去皮

當歸

去蘆頭酒浸

乾生薑

陳皮

去白以上各一兩

右咬咀每服四錢水一盞半夏五片煎至七分去滓

溫服不拘時候

桔梗湯 治妊娠阻病心中憤悶虛煩吐逆惡聞食氣

頭眩體重四肢疼痛煩熱多卧少起惡寒汗出羸瘦

桔梗

剉炒

半夏

湯洗七遍去滑

白茯苓

去黑皮

細辛

去苗葉

芎藭

人參

甘草

芍藥

各一兩

熟乾地黄

微炒三兩

右呖咀每服五錢以水一盞半生薑五片同煎至六分去滓溫食後日二服

半夏飲 治妊娘惡阻心中憤悶聞食氣即吐逆四肢百節疼痛多汗黃瘦

半夏 湯洗去滑生薑汁製 白茯苓 去黑皮各三分 細辛 去苗葉 旋復花

桔梗 赤芍藥 陳橘皮 去白炒 甘草 炙各五錢 熟乾地

黃 焙一兩一分

右呖咀每服三錢水一盞入生薑五片同煎至七分

去滓空心食前溫服

茯苓湯 治憂怒并氣攻血溢停留胃脘惡聞血腥嘔
吐食飲不下妊娠中脘宿冷冷血侵皮惡聞食氣病
名惡阻

半夏 一兩湯洗七遍 茯苓 熟地黄 各二兩 橘皮 細辛

人參 芍藥 川芎 各一兩二錢

右剉散每服四錢水二盞薑七片煎至七分去滓空
腹服有客熱煩渴口瘡者去橘皮細辛加前胡知母

腹冷下痢者去地黃入桂心炒胃中虛熱大便秘小便澁去地黃加大黃一兩八錢黃芩六錢

人參散 治妊娠一兩月惡聞食氣手足悶煩

人參

去蘆頭

知母

枳殼

麩炒微黃去穢各三分

陳橘皮

一兩湯浸

去白

甘草

炙微赤判

麥門冬

去心

黃芩

大腹皮

判以上各五錢

右為末每服三錢以水一中盞入生薑一分煎至六分去滓不拘時候溫服

白朮散 治妊娠阻病心中憤悶頭昏目眩四肢沉重

惡聞食氣好嘔酸醎菓食多卧少起三月四月皆多嘔逆百節酸痛不得自舉

白朮

厚朴

去麤皮塗生薑汁炙各一兩

白茯苓

一兩五錢

葛根

甘草

五錢炙微赤剉

麥門冬

人參

陳橘皮

各一兩

右為散每服四錢以水一中盞入生薑半分煎至六分去滓不拘時候溫服

厚朴丸

治妊娠阻病頭疼胸煩悶往往氣脹不飲食

厚朴

去麤皮塗生薑汁炙赤令香

白朮

陳橘皮

湯浸去白瓢焙

前胡

去蘆各

赤茯苓

一兩五錢

麥門冬

去心

人參

半夏

湯洗七遍

去滑各

三分

右為末煉蜜和搗二三百杵丸如梧桐子大每服以生薑粥飲下二十九丸不拘時服

陳橘皮丸

治妊娠阻病心胸氣滿腹脹脇疔痛腰重

陳橘皮

湯浸去白瓢焙

當歸

剉微炒各一兩

乾薑

炮裂剉

艾葉

微炒各五

錢赤芍藥

五錢

芎藭

三分甘草

炙微赤剉

吳茱萸

湯浸七遍焙乾微炒

各一分

右為末煉蜜和搗二三百杵丸如梧桐子大不拘時
候以粥飲下二十九

人參橘皮湯 治阻病嘔吐痰水妊娠三月以來惡阻
逆或初妊娠擇食頭痛寒熱間作四肢不和心虛者
服之一名八味淡竹茹湯

人參

去蘆

陳橘紅

白朮

麥門冬

去心各一兩

甘草

三錢

厚朴

白茯苓

去皮各五錢用赤茯苓亦可

右為麤末每服四錢水一盞半淡竹茹一塊彈子大

生薑三片煎至七分去滓澄清溫服空心食前一方
無茯苓門冬一名甘草橘皮湯

柴胡散 治妊娠心煩頭目昏重心胸煩悶不思飲食
或嘔吐

柴胡 一兩 赤茯苓 麥門冬 各一兩 枇杷葉 去毛 人參

橘紅 甘草 各五錢

右呖咀每服四錢水一盞薑三片煎至七分去滓溫服

柴胡飲 出聖惠方 治妊娠阻病頭疼四肢羸弱不思飲食

唯思睡眠

柴胡

去苗

赤芍藥

麥門冬

去心焙

人參

黃耆

微炒剉

甘草

炙各五錢

生地黃

一兩五錢研絞取汁

右為麤末每服三錢以水一盞入地黃汁一分同煎

六分去滓溫服日再服一方無生地黃用生薑煎服

人參飲

出大全良方

治妊娠阻病心中煩悶嘔噦吐逆惡

聞食氣頭眩重四肢百節疼痛嗜卧汗出面色極黃

人參

麥門冬

去心

白茯苓

去黑皮

生薑

各三兩

陳橘皮

湯浸去
白焙

甘草
兩
大棗
五
枚

右剉如麻豆大分為二劑每劑以水五盞煎取二盞
去滓食前分三服如人行三五里再服一方凡妊娠
惡食者以所思食任意食之必愈忌菰菜醋等物

桑寄生飲

出聖
惠方

治妊娠惡阻頭旋嘔吐腰腹痛胎

動不安

桑寄生

阿膠

炒
燥

柴胡

各一
兩

郁李仁

去皮
五錢

炒
麥門

冬

去心
焙

人參

刺薊

各一
兩

右呔咀每服三錢水一盞煎至七分去滓溫服不拘時候一方治妊娠阻病氣攻肩背兩脇肋腰臍下痛胎動不安無柴胡用生薑煎服

保生湯

出大全良方

治婦人經候不行身無病而似有病

者脈滑大六部俱勻乃是孕婦之脈也精神如故惡聞食氣或但是一物或大吐或時吐清水此名惡阻切勿作寒病治之宜服此藥如覺惡心嘔吐加薑丁香煎服

人參

甘草

各一分

白朮

香附子

烏藥

橘紅

錢各五

右呖咀每服三錢水一盞半薑五片煎至七分去滓

溫服無時或為末調服亦可

犀角散

出聖惠方

治妊娠心煩憤悶虛燥吐逆惡聞米穀

氣頭眩四肢沉重百節疼痛多卧少起

麥門冬

苧根

各二兩

黃芩

茯神

各一兩

甘草

炙一分

犀角屑

錢五

右呔咀每服四錢水一盞生地黃一分淡竹葉二七片煎至六分去滓溫服

參朮飲

出便產須知

專治阻病

橘紅

四錢去白

藿香葉

三錢 浙朮

一人 參

五錢 丁香

二錢五分去花

右為末每服二錢水一盞生薑五片煎至七分去滓溫服惡心加乾薑胃膈悶加枳實又云千金半夏茯苓湯內有半夏妊娠不可服宜服此藥甚妙

人參飲 治妊娠阻病心中憤悶頭目眩四肢沉重懈

怠惡聞食氣好飲酸醎菓食多卧少起三月四月皆多嘔吐百節不能自舉者

人參

三兩

白茯苓

去黑皮

厚朴

去麁皮塗生薑汁炙七遍

白朮

各一兩半

陳橘皮

湯浸去白焙

葛根

剉各一兩

右呖咀每服四錢以水一盞生薑五片同煎至六分去滓溫服日再服

白朮丸

治妊娠阻病頭肩背煩悶氣脹不思飲食

白朮

厚朴

去麁皮塗生薑汁炙七次

當歸

微炒

陳橘皮

湯浸去白各一兩

白茯苓

去黑皮

熟乾地黄

微炒各一兩五錢

右為末煉蜜搗和酥塗為劑令勻熟九如梧桐子大每日空心米飲下二十九早晨日晚各一服

茯苓飲

一名茯苓湯

治妊娠阻病心中煩悶頭眩重憎聞

食氣聞便嘔吐四肢垂不自持

方見本方子煩類

陳橘皮散

出聖惠方

治妊娠二月三月惡阻病嘔不能食

橘皮

湯浸去白焙

白茯苓

半夏

湯洗七次去滑

麥門冬

去心各兩

甘草

五錢炙微赤剉

人參

三分去蘆

右為散每服三錢以水一盞入薑半分淡竹茹一分煎至六分去滓不拘時候溫服

麥門冬丸

出聖惠方

治妊娠阻病頭重不思飲食四肢羸

弱多卧少起

麥門冬

一兩五錢
去心焙

柴胡

去苗

枳殼

麩炒微黃去瓢

桑寄生

刺薊

各一兩

甘草

炙微赤剉五錢

右為末煉蜜和搗三百杵丸如梧桐子大每服二十丸不拘時候煎淡竹茹湯下

治妊娠惡阻胃寒嘔逆煩悶吐食及心腹刺痛

出大全良方

人參

丁香

柿蒂

各一兩

甘草

良薑

各五錢

右為細末每服二錢熱湯送下無時

人參散

出大全方

療初妊娠惡食嘔逆

人參

四兩

厚朴

生薑

枳殼

甘草

各二兩

右切以水六升煮取三升分三服不拘時候

療妊娠惡食心中煩悶憤熱嘔吐

出大全方

青竹茹

麥門冬

各三兩

前胡

二兩

橘皮

一兩

蘆根

一握白嫩

右細切以水一大升煮取半升分為二服去滓食前一服一方無麥門冬用小麥三合體熱四肢煩熱者加地骨皮

半夏茯苓湯

出大全良方

治妊娠惡阻嘔吐不食

半夏

泡洗七次炒黃

陳皮

各二兩五錢

白茯苓

二兩

礞砂仁

一兩二錢

草

四兩

右咬咀每服四錢水二盞薑十片棗一枚烏梅半箇煎至七分食前溫服如嘔逆甚者加青竹茹一彈子

大同熬空心進

療婦人妊娠惡阻嘔吐不下飲食

出大全良方

青竹茹

橘皮

生薑

茯苓

各四兩

半夏

五兩

右細切以水六升煮取二升半去滓分三服不瘥頻

服忌羊肉酢飴等物

加味二陳湯

出危氏方

治受胎一月或兩月嘔吐擇食緣

中脘宿有痰飲經水止煖氣滯所作名曰惡阻

陳皮

白茯苓

各一兩五錢

半夏

一兩

白朮

七錢五分

粉草

三錢

右劉散每服四錢生薑三片烏梅一箇煎服未效加生薑汁

小紫蘇飲

出危氏方

紫蘇 厚朴

白茯苓

各一兩五錢

半夏

甘草

各三兩

右劉散每服三錢水一盞生薑五片棗二枚煎溫服客熱煩渴口生瘡者加知母前胡腹冷下痢加桂心炒胃中虛熱大小便秘加黃芩頭疼加細辛川芎

麥門冬湯 治妊娠惡阻病心中憤悶見食嘔吐惡聞

食氣肢節煩疼身體沉重多卧黃瘦

麥門冬

焙去心

人參

各三分

白茯苓

去黑皮

陳橘皮

湯浸去白

焙各五錢

甘草

炙剉一分

右麤搗篩每服三錢以水一盞入薑一分拍破棗二枚煎至六分去滓食前溫服

人參湯 治妊娠一兩月惡食心胸煩亂

人參

知母

焙

枳殼

麤炒去

黃芩

去黑皮各一兩

大腹

一枚

并皮子用剉碎

右呔咀每服三錢以水一盞生薑半分切煎至七分
去滓溫服食後日二服

前胡飲 治初妊惡阻食即吐逆頭痛顛倒寒熱

前胡

去蘆頭

細辛

去苗葉

白茯苓

去黑皮

甘草

炙

厚朴

去麁

皮塗生薑汁炙煙
出七次各五錢

右為麁末每服二錢水一盞生薑一分切同煎至六
分去滓溫服不拘時日二服一方加人參

麥門冬飲

出聖惠方

治妊娠阻病胎不安寒熱嘔逆氣滿

不思飲食

麥門冬

去心人參

白茯苓

去黑皮

阿膠

炙令燥各一兩

甘草

炙剉三分

右為麤末每服三錢匕以水一盞入生薑一分拍碎棗

二枚同煎至六分去滓食後溫服日二服一方加陳皮

薑橘湯

治妊娠惡阻嘔吐涎痰不能食

生薑母

一兩一分

陳橘皮

去白焙

青竹茹

各五錢

前胡

去苗三分

檳榔

剉二枚

右剉如麻豈每服三錢水一盞煎至七分去滓溫服
不拘時候

茯苓丸

出肘後方

療妊娠惡阻吐顛倒垂死不自勝持服

之即效

茯苓

人參

各三兩

肉桂

熬

甘草

炙

枳殼

各五錢

右搗篩蜜和丸每服二十九加至三十九日三服古

今療胎病方有數十首不問虛冷熱胎死者活此方

緣妊娠忌桂所以熬

白朮散

出十便良方

治惡阻吐清水甚害十餘日粥漿不

入者

白朮

人參

五錢

丁香

二錢五分

甘草

一錢

右為細末每服二錢水一盞薑五片煎至七分溫服

醒脾散

出永類鈴方

治妊娠婦阻病嘔逆不食甚者滿口

中無味或作寒熱

草荳蔻

以濕紙裹灰火中煨令紙乾取出去皮用

厚朴

製各五錢乾薑

三分甘

草

一兩一分

右為細末每服二錢水一大鍾棗二枚生薑三片煎至八分去滓呷服病輕者尺寸脈和便能食舊有橘紅二兩治寒熱瘧痢不食後人去橘皮以乾生薑代乾薑治老人氣虛大便秘少滓液引代有奇效一方用乾薑去橘皮一名醒脾飲子治阻病極為神效

四七湯

出如
宜方

治妊娠三月惡阻為病氣鬱生痰

半夏

五兩浸
七次

白茯苓

四兩厚朴

三兩薑汁製

右咬咀每服四錢用水一盞半薑三片棗一枚煎至

七分去滓不拘時候服

人參丁香散

出大全良方

治妊娠惡阻胃寒嘔逆翻胃吐食

及心腹刺痛

人參

錢五

丁香

藿香葉

各一分

右為散每服三錢水一盞煎至七分去滓溫服無時

人參半夏丸

出聖惠方

治妊娠惡阻病醋心胸中冷腹痛

吐逆不喜飲食

半夏

湯泡七次

人參

乾生薑

各五錢

右為末以生地黃汁浸蒸餅為丸如梧桐子大每服
四十九米飲送下不拘時候

小地黃丸

出保慶集方

治妊娠吐清水酸心腹痛不能食

人參

乾薑

炮各等分

右為末用生地黃汁丸如梧桐子大每服五十九米
湯下食前服之濟生方加製半夏等分

治妊娠忽下黃汗如出豆汁

出大全方

苧根

切二升去黑皮

右為末以水九升煎取四升每服入酒二升或一升

煎藥取一升分作二服

治阻病

出存仁方

用香附子末熟湯調服

人參半夏丸

出聖惠方

赤茯苓

橘皮

去白

麥門冬

去心

白朮

厚朴

姜製

甘草

炙各五錢

右㕮咀每服四錢水一盞姜七片竹茹少許煎至七

分去滓溫服

赤茯苓散

出楊氏家藏方

治妊娠惡阻心胸煩悶頭暈惡心

四肢疲倦嘔吐痰水惡聞食氣

赤茯苓

去皮

半夏

湯浸七遍

陳橘皮

去白

桔梗

去蘆

乾熟地黃

洗焙各一兩

白朮

川芎

人參

去蘆

赤芍藥

各三分

旋復

花甘草

炙二味各五錢

右㕮咀每服三錢水一盞半生薑三片煎一盞去滓

熱服不拘時

人參調中湯

出楊氏家藏方

調脾肺養氣治胸膈滿煩悶四

肢煩熱及妊娠阻病心胸煩悶嘔逆不思飲食

人參

去蘆

甘草

炙各五錢

枳殼

麩炒去瓢

厚朴

薑汁製

白朮

白

茯苓

去皮各一兩

紫胡

去苗

細辛

去葉土

藿香葉

去土

陳橘皮

去白皮各三分

右㕮咀每服三錢水一盞生薑三片同煎至七分去

滓食前溫服

李氏傳快氣湯

出產經

自初妊娠後惡阻便可服此寬

中快氣益陽輔陰入月滑胎易產

枳殼

五兩

縮砂

香附子

甘草

各三兩

右各淨稱同炒為末湯調服

溫真人方

出產經

枳殼

川當歸

木香

甘草

各一兩

右為末湯調服

膠艾湯

出指南方

治妊娠惡阻

阿膠

川芎

甘草

艾葉

各二兩

當歸

三兩

右為麤末每服五錢水二盞煎至一盞去滓溫服覺

冷痛加乾薑二兩



普濟方卷三百三十七